



UNIVERSIDAD DE GUADALAJARA
Red Universitaria e Institución Benemérita de Jalisco

INFORME

RICARDO VILLANUEVA

• RECTOR GENERAL •

Xapa ke m̄itiuti'uuximayatsié m̄itikuxata

WIXÁRIKA

2023

UNIVERSIDAD DE GUADALAJARA

Dr. Ricardo Villanueva Lomelí

Rector General

Dr. Héctor Raúl Solís Gadea

Vicerrector Ejecutivo

Mtro. Guillermo Arturo Gómez Mata

Secretario General

CONSEJO DE RECTORAS Y RECTORES

COORDINACIÓN GENERAL EJECUTIVA

Mtra. Paola Lyccette Corona Gutiérrez

Coordinadora General de Planeación y Evaluación

Mtro. Rafael Serrano González

Secretario de la Coordinación General de Planeación
y Evaluación

COORDINACIÓN TÉCNICA Y LOGÍSTICA

Mtro. José Martínez Graciliano

Coordinador de Evaluación

DIAGRAMACIÓN, EDICIÓN Y DISEÑO

Luis Alonso González Carranza

Luis Enrique Sánchez Salas

EDICIÓN Y CORRECCIÓN DE ESTILO

Rogelio Villarreal Macías

TRADUCCIÓN VARIANTE TATEIKÍE,

SAN ANDRÉS COHAMIATA, JALISCO

Lisbeth Kupuri Bonilla Carrillo

Maura Waxie Carrillo Sotero

Felix Kwixuri Bonilla Carrillo

CORRECCIÓN ORTOGRÁFICA EN WIXÁRIKA

Dr. Julio Xitakame Ramirez de la Cruz

D.R. © 2024, Universidad de Guadalajara

Avenida Juárez 976

C.P. 44100, Guadalajara, Jalisco

www.udg.mx

Este informe de actividades se terminó de editar en
junio de 2024.

Se prohíbe la reproducción, el registro o la transmisión
parcial o total de esta obra por cualquier sistema de re-
cuperación de información, existente o por existir, sin
el permiso previo por escrito del titular de los derechos
correspondientes.



Contenido

Heekiatsiya maatiari mieme	8	5. Mayukumaikáki yeiyaritíarika	46
1. Nierikatsie yuwairéti tiita mitiyuwaune	12	5.1 Hauri Weekamepa memayetei	46
2. ʔíkitíaríkapa tsiere ʔíkitíarika ya tiyuheekwariyáti	16	5.2 Yeiyari memakumaikáki	48
2.1 ʔíkitíarika ke mitiyukuʔuuximayáta ya tiyuheekwariyáti	16	5.3 ʔIwáwaame kiyari	50
2.2 ʔíkitíarika ya tiyuheekwariyáti	18	5.4 Waiká mīraheekía mīrayuyeʔatia yeiyari mayukumaikátsie timieme	52
2.3 ʔíkitíarika huyeéya	20	6. ʔImakiéri matiwameki	54
2.4 ʔAyeʔakaméki tiyuweeriya	21	7. Hauri Weekamepa ʔIníatsikayari ke mitihukai 2023 wiitaari manúnitsie	58
2.5 Yuʔíkitíarika meʔanunítsati ʔuuximayátsika memikuwiwiya	22		
2.6 ʔíkitíarika ya tiyuyeweyati	23		
2.7 ʔíkitíarika miyúnii	24		
2.8 Waiká mīraheekía mīrayuyeʔatia ʔíkitíaríkapa metá ʔíkitíarika ya tiyuheekwariyáti	25		
3. Yeikiya metá makina maiyáki waikawa tiyuweewíeti	26		
3.1 Yeiyari yuwenati heetsiena miyunuwiitiaka heheekwati ʔuuximayátsika	26		
3.2 ʔAyuyexeyati metá yuyexatati maiyá yeikiya	28		
3.3 Makina maiyá kīmana waiká mitiyuweewiekaki	30		
3.4 Waiká maheekía tiita mīrayuyeʔatia makina maiyá weewiyarikate hetsie	32		
4. Kiekarípa hetsie timieme ke mitiyiane	34		
4.1 ʔíkitíarika meuyuxeiyani	34		
4.2 Warakaara Hauri Weekamepataari teʔuuximayátaamete ke teewa memuyeʔatika.	37		
4.3 Teitéri wanaanaimárika mīkatixuaweniki, memipareewiyakaki, mīxanetsiekaki metá muyukuxataniki.	38		
4.4 ʔUuximayátsika miyúhii kuruuxite yuhíikíate teyumayíiriwaamete metá kiekátaari tiwamayíiya wahamatia	39		
4.5 Yurienaka ʔíwiyarika	41		
4.6 Waiká mīraheekía mīrayuyeʔatia Kiekarípa hetsie timieme.	43		

Heekiatsiya maatari mieme

Xapa Ti'aitaame 'iitsikame Ni'aawaame Wararakaara Hauri Weekamepa ma-yuyexeiya (UdeG) maatsi heyemeki tinákemeki tixaxataame tiheekiataame piini ke tipaimeti mitiyukumaiwa 'iiki Wararakaara Hauri Weekamepa tipiini-yarite, temawierimakameki 'iiki 'eena nepiheekiata 'eena 'iitsikáte memaká'u wahixie Honorable Consejo General Universitario (HCGU) miyutériwa, miime 'iitsikáte memite'aye'axé tehiritiariekáte mepihiki, teyu'íkitiwaamete wahixie memiyé'u, te'íkitaamete, maiyakameki weewiyarika memite'ayexeiya, kuruuxi memitekumaiwa metá kiekátaari memiwarayexeiya, 'Auxiwirieka mieme ma-yiia 'anuyehéekákameki maariya maye'utse kanihikitini 2023 wiitaaritsie mieme.

Wararakaara Hauri Weekamepa kanihikitini teitéri 'ukári metá 'ukítsi maiyát-sie timieme 'aixi miwatiyuruwa 'uxa'áwaaie tinákemeki metehemateti, mete-hakumaití memiteheyukumayíiriwaniki tseepá hakeewa kiekari ke paimeti ma-numanetika Karitsiku muyehane, miiki mimí taame 'eena Wararakaara Hauri Weekamepa te'uuximayátaamete kanitayekátini tseepá ke 'anéxia tekateni'íkita-tani tsi xeikía kitá mitiwayuti'íkitiatire te'ayeteti tekapite'íkita, mipai tekatenue-'iiaarini maatsi heyeme hakeewa waikawa miwareuyehiwá tsi tekapanukawí. 'Ayumieme tíma tsi tekapita'eirie waikawa maatsi tekateniku'iwawani 'iitsika-me hetsia tiita mitareuyehiwá naime teteheeyati raye'arikameki temite'íkita-niki 'eena Wararakaara Hauri Weekamepa, 'ayiwekatika ta'iitsikame kémikake tumiini kananayetuani Wararakaara Hauri Weekamepa mieme, maana mimí 'iiki waikawa raye'arikameki mitiyukumayiani kananiereni. Miiki tayeká kanihikitini 'umá pai 'uye'atikai me temitekumayiani 'íkitiarikatsie timieme tanaiti te'uuximayátaamete mipai tekanaítikaní kiekari meyemane temepareewiekaki.



Wararakaara Hauri Weekamepataari xeyunaime nepixe'inie tetapareewieti maana tepeti'uuweni 'iiki 'uuximayátsika temayexeiya ka'uuxiweemeki kie-kátaari tetewa'ikitiati tinákemeki 'uxa'áwaarie temeye'uuweni, temeweereniki, maaye 'iyaarieya temehikiki metá miki haxiaya tateekuta mayexeikaki.

“Ke ne'a'iyaaritiaka, ke tine'uuximayáka”

Dr. Ricardo Villanueva Lomeli

Hauri Weekamepa Mu'ú 'Iitsikame



1. Nierikatsie yuwairéti tiita mitiyuwaune

Wararakaara Hauri Weekamepa (UdeG) Wararakaara Hauri Weekamepa Mekiku 'Etsaarute 'utaata muyemanetkátsie tau manuyeyeika Mekiku tenaripa tirikaiyeti payuyeitia. Karitsiku kwieyaritsie naitсарie ri ki panu'uitiatika, hepaina te'uuximayátaame piwarexeiya meyuwairiyame tukaari manuhane tinákemeki memitepata kiimana kiekaripa 'iyaari 'aixi 'anéti miyehaneni. Naitсарie 'uyutamiiriyaka yuki Hauri Weekamepa 'anu'uitiatiyaku, hiiki teemari kiekaritsie Wararakaara Yetaápa memikakutei 'apitá teewa memitáma miiki mepiyiwawe memiteyu'ikitiaka. Miyátiniketi yumiireti kiekátaari yu'ikitiarika mepiti'hiráime metá maana me'ukuwairéti 'aye'akameki mepuyiniutiatiwe 'uuximayátsika maana hurawa yukie meyukewirieti, tinakeme metepiitarieti. Mipai reyuwairéti pitiyane kename teewa mekatakiyani, kiekari kayunitani metá haweri memikayiaka tumiiniki, waiká maatsi pa'eriwa kiekari haweri 'anékiá miyuxeyatika.

Hauri Weekamepa UdG piyuweeriya teyu'ikitiwaame watirikariyati ke hate maiyá memuta'uuni memanunitsaniki hepaina piwaweeriya ke hate maiyá yeikiya memihewe'erie. Miiki yunaime wanierika ya pitwareunieritiwa kiekari memeupareewikuniki maatsi waikawa memita'erieka hakeewa haweri mireuteiti, hakeewa kiekari Karitsikupa hetemeki meytirikariya 'aixi 'anékiá yuti'erieti tumiinisie. 'Iiki xapa 'uuximayátsika hekiatsikayari pitiyukuxata ke mitiyuyutyuuri metá tiita mirayuye'atia 2023 wiyaritsie, hepaina tsiere pirayuxaxata tiita 'akuxi mitiyu'uunie kimaana mirayuyé'atiani ke ti'aneme Hauri Weekamepa mitiwaune.




Ke mireyukumia Hauri Weekamepa Witsari

18 HAURI WEEKAMEPA KURAARU



Hauri Weekamepa
Kuraaru Wararakaara Yetapa



SEMS
Haika ʻikitiarikapa
tsiere t̄iriyámama


175 Kite haika
ʻikitiarika

74 ʻEtsikwera
haika ʻikitiarikapa

34 Kiekaripataari
40 Teewatari

101 T̄iriyámama
Haika ʻikitiarikapa

08 Kiekaripataari
93 Teewatari



2. ʔíkitiarikapa tsiere ʔíkitiarika ya tiyuheekwariyáti

Xeitaapari ʔíkitiarikapa metá ʔíkitiarika ya tiyuheekwariyáti ʔayukatetiati mirayuyeʔatianiki Hauri Weekamepa ʔuximayátsikatsie tiyuteriwáti Plan de Desarrollo Institucional (PDI), heetsiena pítuyukwewie kename tinaketi metá ʔaixi ʔanéti ʔíkitiarika yuyetuaka. ʔAyumieme, pítuyuwairíta mayuyexeyaniki ʔíkitiarika ya tiyuheekwariyáti maana mi miireme metá naimime maiyá tsiere yeyari yukaxeirieti, teyuʔíkitiwaame wakuhaʔáritati kiekarípa naiti tiita miranutineika hepaina tiita mitiyunuiwitsitiane yuʔuximayátsikaki memiwimaweniki.

2.1 ʔíkitiarika ke mitiyukuʔuximayáta ya tiyuheekwariyáti

Hauri Weekamepa ʔíkitiarika miyuyétua 2023 wiitaarisie píʔiniarikai 425 ʔíkitiarika ke mitiyukuwena ʔutíarikayari, teiwariki mitiyutériwa programas educativos (PE). Taʔuximayátsika miyukatsutiatsie ke mipaimikai hiiki ʔi 45 paimemeki PE piyutimíiriyáxi, tatsiari 11.8%. Ke mipaimikai 2019 wiyari hiiki, waikawa hehekwati peuyuyepixia, Tatarí Weekápa 22 paimeti ya paitá Hauri Weekamepa 16 ʔiniaríti miiki ʔíkitiarika ke mitiyukuwena ʔutíarikayari. Tsiere, kiekarípa ke mirakuʔane metá tiita mireuyewetsé tiyuʔíiwiyati, Wararakaara Hauri Weekamepa, 17 paimeme hehekwame ʔíkitiarika ke mitiyukuwena ʔutíarikayari putinuiwitsitia 2023 wiitaari, heetsiena kaʔiniatáti maiyá miheekwa, hepaina yuʔíiwiyati ʔuximayátsika ke ʔáneti mireuyewetsé metá teyuʔíkitiwaame ke tiita memiteyukwewirie rayeʔatiwati.



Hepaina tsiere, ʔikitiarika miyuyétuatsie puyuniitia ʔikitiarika ʔayehuutati. ʔiiki ʔi, waiká mimatiwa mitikuwimaki tihuutame tatsiari ʔikitiarika maiyá maana ʔikitiarikapa metá mirayuʔuuximayátsie, miiki naima pirakatetia tiita xapatsie mireyutimamateke mirayukatériwani heekiápa ya tiyianeti, mipai tihuutáti miyuniiká. Hauri Weekamepa CUTLAJOMULCO panuyeka ya ʔaneme haikame ʔikitiarika ke mitiyukuwena ʔutiarikayari miyexata, miiki pixatsiwa: ingenierías en Mecatrónica, Biotecnología tsiere Diseño Industrial

Ya paitá, UdeG hipame Hauri Weekamepa Mekiku kwieyaritsie metá wáritaana pai ti muʔutiká wahamatia niuki puni, teyuʔikitíwaame Tatari Weekápa tsiere Tsaurixikapa memutihu memiyiwwaweniki memenukuweiya ʔikitiarika yuxewiriyáti miyuwena huutame ya miiremetsie Wararakaara Hauri Weekamepa. ʔiiki wiitaari miyukuxatatsie, piyuʔiniatáxi 9 ʔikitiarika ʔutiarikayari mipai reyukuxewiriyáti miiki ʔuyutinuiwitsitiaka ʔauxiwi kuraaru meutiʔuutiká taitá tatsiari Centros Universitarios, miiki naukame pexeiya titulación ʔayehuhuutame.

2.2 ʔikitiarika ya tiyuheekwariyáti

Manuparixitsie 2023 wiitaari, teʔuuximayátaamete ʔikitiarika memayexeiya Wararakaara Hauri Weekamepa mepiyupaimekai 17,617 maiyá ʔuuximayátaamete (8,051 ʔukári ya paitá 9,566 ʔukítsi). Kayuati 2019 wiyari 2023 ʔatiʔatí, ke memiyupaimekai ʔukítsi méríki ta ʔukari ke memiyupaimekai miiki ʔukári waʔiniari pitiʔirixi, miyátiniketi 43% paimemeki meʔiniatsieti mepitiki 46% pai ti. Yunaiti ke memiyupaime ʔikitiarika memiʔuuximayá, meyumireti 10,807 (61.3%) meʔiniariti xexuíme ya yapaimeme xeikía asignaturas mepiʔikita xeikía; waʔutima mepetiʔu naimimeki xeitukaari ke mireuteteeretsie maiyá yeikiya memayexeiya 2,784 (15.8%); waʔutia mepaheekía teʔikitaamete xeitukaari ke mireuteteere ya memiteʔikita 2,022 (11.5%) meyupaimeti; técnicos ʔukári ʔukítsi xeitukaari ke mireuteteere ya memiteʔuuximayá mepiyupaime 1,148 (6.5%), técnicos ʔukári ʔukítsi hixiápa tukaari ʔutiʔakame xeikía memiteʔuuximayá mepiyupaime 476 (2.7%); teʔikitaamete hixiápa tukaari ʔutiʔakame xeikía memiteʔikita mepiyupaime 370 (2.1%), ʔimatirieká, maiyá memiyeikétiwe hixiápa tukaari xeikía ʔutiʔakamé mepiyupaime 10 (.1%).

ʔikitiarika ʔuuximayátsikayari tiyuteriwáti Programa de Formación para la Innovación Docente (PROINNOVA) pititirikariya waikawameki memiteyuniitiakaki metá naimetsie memiyuheekwariyaniki teʔikitaamete, mepiwairitíarie maiyá heekwameki, makina maiyaáya memimateniki, metá heekwameki ʔikitiarika ke mitiuʔuuximayáta memetimamatekeni, tiyunakitsitiati kename teyuʔikitiwamete tinákemeki metehetimamatekeni, teekemeki metehetimaitikikáti metá witsi meteheutaʔeriwaweti. ʔiiki 2023 wiitaari, teʔikitaamete 5,328 meyupaimeti mepanuyatsarie PROINNOVA hetsie. Ya paitá, teʔikitaamete xeitukaari ke mireuteteere ya memiteʔikita miiki 2,903 meyupaimeti xapa perfil PRODEP hetsie meputawairitíarie, ʔiiki wairitíarika mepiyetuiriyariwa ke hate teʔikitaamete heekiakameki memanuyeyaxixi ʔikitiarika maiyátsie metá makina mayiyátsie, ʔayenaimime ʔikitiarika memiyétua, yumaiyá memiheekiata, ʔikitiarika yeikiya memiyeweiya, xexuíme wahetsia teyuʔikitiwame teitsiya memiyétua metá ʔikitiarika hepaitsita pareewiya memawautikika.



ʔikitiaripa ʔayutinetiati

ʔikitiarika ʔuuximayátsikayari titewati Programa de Estímulos al Desempeño Docente (PROESDE) piwareutaʔiyaarita ke hate memiteʔikitia xeikía, metá memiteʔayeʔatiwa ke mayetaitika niuki niʔaári yuhetsie mirakatetia kename

waʔuuximayátsika ʔanukhuutani ʔkítarika maiyá. ʔInierika manayene 2023 wiitaarisie mepiyutiʔiniatáxi 3,485 meypaimeti teʔikitaamete memitehawiya Hauri Weekamepa Witsarieyatsie (Red Universitaria), mepupareewiya meʔinia-ríti 2,903 teʔikitaamete (83%): 999 wamaiyá ʔuʔiniatsieka ya paitá 1,904 meyu-paiti meʔakaʔuti perfil PRODEP

2.3 ʔkítarika huyeéya

ʔEena ʔi 2023 wiitaarisie panuyunakixi 23,748 paimeti ʔiwáurika títulos miwayuyehurieniki, ʔaana 20,564 paimeti putiweewiya, miiki panuyine Wara-rakaara Hauri Weekamepa tukaarieya ke mireuteewi hiiki ke mitiwayaki miireti piyuyétua. Naiti ya paimeti títulos muyutiweewi 3.6% ʔiniaríti bachillerato pi-mieme, miiki ri ta 12.1% paimeti pimieme Tatari Weekápa tsiere Tsauxixikapa, ya pitá 84.3% reuhanakameki Hauri Weekamepa pimieme. Ya mitiyiniki ʔkít-sika ʔayeheekiati piyutaweewi, mipai yapauka título miwayetuiyaniki, maatia-ri mireuteeterekei 68 tukaari ʔiiki ʔi xeikía pireuteeterekei taamámata tukaari. Pareewiya macro-proceso titewati ʔanutahuuku yapauka putiweewiya, maatiari manuyukuhurieni xapa rekuʔuti kename ya tiyini, wáritaana piyetuiyaxia maki-na taitá yukaʔutati PDF hetsie hepaina XML; ʔutimaana título payukaʔutiwakai ʔikitaamete naime wamayítarika kitá, kwinatirieka, payukaxewiriyáxi xapa heekiakametsie ʔaixi reyukuʔutiati heetsiena heutiníti códígo QR.

Tukaari ʔiniatametsie 2024-A meputanakiʔeriwáxi 30,647 meypaimeti hai-kaʔkítariksie (bachillerato) memanutayaxéki, maana 19,472 meypaimeti pepuʔiaririxi ʔAtaxewime metsayari mukatetiati (semestre base) heetsie mayuti-netia 2023 wiitaari. Ke meypaimeti memanutayaxíxi 65.5% meʔiniaríti maana mi mepuʔiarixi mepanutayatsarie 367 paimemetsie grupos muyutiweewi, miiki pituyi 239 ʔetsikwera waikawa kiekari makúʔutsie, 106 paimeti yaaki mitiukie-ta muʔutikátsie metá 22 heetsie ʔetsikwera tsi mipepe hipame mirawiyatikatsie.

ʔkítariksie teitsiya mayutinenetiwa, 2023 wiitaari 84% teyuʔkítiwaamete memitehawiya Hauri Weekamepa Witsariyéyatsie (Red Universitaria) meputeit-

sie yuʔkítarika memitirikariyaki, hipáti mepanutayatsarie yuxexúiti ya meyu-huhuutati hipáti ta ʔameyupapaiti. Miiki miya meypaimeti, 47% mepiʔukít-sitikai metá 53% ʔukári. Yuʔkítariksie memupareewiya 236,792 mepaimeti 2020 wiyaritsie, hiiki 2023 wiitaari mepayexiri 282,218, miiki panuyine kename meʔuyutimiiriyáxi 20.9% (45,426) paimemeki.



Teyuʔkítiwaamete meʔayeteti Haika ʔkítariksie no. 7

2.4 ʔAyeʔakaméki tiyuweeriyáti

ʔUuximayátsika miyutimamateke ʔayeʔakameki kiekarípa miyuweeriyani, pi-tiyiane 2023 wiitaari miyutiweewi miireti ʔuuximayátsika pitiupareewixia mirayuyeʔatiwaniki tiita mirayuyexieya Objetivos de Desarrollo Sostenible (ODS) menutatetia kuruuxi Organización de las Naciones Unidas (ONU). Ke mireyukuʔuunie ke mitiʔaneni 2030 wiitaari maana yukawairéti tiʔauxiwime píránukuxe: Teitéri, Yurienaka, Miiritarika, ʔAixi ʔIyaaritarika metá Niitari-ka. Xeexúimetsie pitiyumayíita ke tiita yemeki mitiukatetiati ʔaixi ʔiyaari ʔanéti tukaari makamieniki, kiekáataari tinákemeki metamatí, yurienaka meʔwiyaati,

tumiintsie tinákemeki meyuweeriyaati, ʔaixi ʔiyaari meyuxututiati metá yunaiti kiekari manumanetiká meypareewietikaiti. Naiti payutinetia 3,349 ʔuuximayátsika naitarie Hauri Weekamepa Witsarieyatsie .

Yaxeikía tsiere, UdeG panuyeka *ranking Times Higher Education (THE) Impact 2023* tiyúteriwametsie. Memuyutaʔiwaxi mepaimeti 1,591 Hauri Weekamepa ʔanuʔuutikaiti kwie ke minenatsie, maana UdeG 238 paimeriekatsie pikáke. Ya paitá ta, Mekiku tiʔuuti muyutiʔiniatáxi 20 paimeti maana ri ta hairiekatsie pikáke.

Defensoría de Derechos Universitarios (DDU) kitaána payeneika ʔuuximayátsika titewati *Vive la Feria de Derechos Universitarios*, heetsiena pitiyuwaune ʔiyaari tukaari miyehani, tinákemeki mitiyuxeianiki, yunaitimati meniitarieti, yaxeikía metexeyarieti, neeni katiyuxeiyati, maana tiyuwairéti naanaimárika miyuwapaka. ʔiki puyukatsutia 2022 wiitaari, mi ri ta 2023 wiyaritsie 11 mil meypaimeti teitéri mepuʔiarixi 9 xeiritsikatsie. Xexúiti miiki xeiritsika *Feria de Derechos Universitarios* payutinetiaxia miirikia Hauri Weekamepa kuraaruana metá ʔetsikwerapa haika ʔikitiarika mayexeyatikatsie. Xeitukaari reuteteeretikaiti pirayutinetiaxia waikáritsaata ʔikitiarika metá maiyá, yaxeikía witsi pituutiya yunaiti maana tewiwiyaamete memiyukuxeyieniki ya memitekakinéki ʔiyaari tukaari memiyeweiyatikinéki, metá memitehetimaitikikaniki xika kayueʔatwani teitéri waheitserie timieme.

2.5 Yuʔikitiarika meʔanunítsati ʔuuximayátsika memikuwiwiya

ʔImaatrieka wiitaari mikuxaxatsiwatsie mepuʔiniatsie 72,087 meypaimeti yuʔikitiarika memanunixia, ʔukári 59.4% metehuhanati ʔukítsi ri ta 40.6%. Yunaiti memanayeki, 2023 wiyaritsie, 15,337 meypaimeti EGEL (Exámenes Generales de Egreso de la Licenciatura) mepuweewi, 5% waikawameki mepanuyeyaxixi (TDSS) metá 68% metenaketi ʔaixi mepiteʔuhapa (TDS). ʔiki panuyine kename 73% mepaimeti meʔanutiki, 2019 wiyari heuyukaʔiniatáti puyutaweeriyaaxi 18% memeki.

Ya paitá, ʔikitiarikaya ʔaixi ʔanéti muyuyeweyaniki metá ke hate teyuʔikitiwaa-mete memanayehu wahamatia mitiyukuxataniki, Wararakaara Hauri Weekamepa pexeyia ʔiwáurika tiuteriwáti *Experiencia Universitaria: Evalúa tu proceso*, miiki meputiʔiwawiyariwa teyuʔikitiwaa-mete memanayenixixime. 2023 wiitaaritsie mepakaʔutsiekai 86,761 meypaimeti ʔikitiarika memayenixime. ʔiwáurika muyutiweewitsie piyeyutima kename 90.6% (27,153) meypaimeti teyuʔikitiwaa-mete hipame mewarutaʔinixiawe memanutayaxeki ke ʔanene-metsie ʔikitiarika memayetekai Wararakaara Hauri Weekamepa. Tsiere miiki ʔiwáurikatsie paheekíarixi kename 82.2% waʔiyaari ʔaixi ʔanéki maana Hauri Weekamepa miya memiteʔukiki; 15.5% mipai meputiyua kename waʔikitiarika waikawa reuyeweti ratia, ʔimatirieka 2.3% ʔipai meputiyua kename kwinié ʔaxa ʔanéki ʔikitiarika memiyetuiriyarie. ʔiki miya tiʔaneneti miraheekikiare pitat-sipareewie maana tekanieréti temitekupatani teyuʔikitiwaame ʔiyaarimeki ʔaixi memiteheuʔerieka.

2.6 ʔikitiarika ya tiyuyeweyati

ʔUuximayátsika mayuyexeyia ʔikitiarika ya mitiyuweewiekaki mipai piyeyu-yukuʔitia kename teyuʔikitiwaame waikawa maatsi yumaiyá meniitiaka, tiita mitiwakunanaketsie tirikaiyemeki meteʔanuyexeyiati, kiimana waikawa memiteyutiniitiwaniki. Pitiyane 2023 wiyaritsie piyuyexa 759 paimeti ʔikitiarika yaki reuteteeretikaiti maana ʔi Hauri Weekamepa Witsarieyatsie, payutinetia 11 paimeti makuʔuutikátsie kuraaru. Miiki miireti piyayexeyakai makina maiyá tatsiari Tecnologías de la información (22.3%) paimeti, ʔutimaana tewi ʔaixi tiweeriyaarika, Desarrollo personal, (17.9%) tsiere tumiini ʔuuximayátsikayari (16.1%). Wiyari 2023 mayexitsie, naime miiki ʔikitiarikatsie memuʔiarixi mepuʔiniatsie 39,640 meypaimeti, ʔukári 60.4% metá ʔukítsi 39.6%.

2.7 ʔikitiarika miyúnii

Mirayuyeʔatiwani ke mireukunierika Hauri Weekamepa, tatsiari teyuʔikitiwaa-mete memiyeweyarimeniki tsepá hakeewatsie meʔitaʔuunieme. Ya ʔaimieme ʔikitiarika piyúnii titewati *Enseñanza incorpora-da* mipai piyeyukinitsá kename ki ʔikitiarika muʔuutiká ʔiiki Hauri Weekamepa heetsie rawiyati miiki waxapáteyari yaxeikia timatiwani méxika rayeʔaká. Ya tiʔaneneti mitiyutinuiwitsitiwa yumireti memiteyuʔikitiakaki xeikia pikatiʔane, hepaina tsiere pitiyane miyutirikariyaniki hipame kuruuxi manuʔuutiká waha-matia, meyuniti meyupareewieti ʔikitiarika memiyetuaka.



Meuyepiya Kita miranuyuyexéxiya Haika ʔikitiarikatsie no. 14

Wararakaara Hauwerikamepa piwarayexeiya 55 meyupaimeme kuruuxite ʔi- kitiarika memayexeiya, wayetuirieti heekiatsika tiyuteriwáti Reconocimien- to de Validez Oficial de Estudios (RVOE), haika ʔikitiarikatsie metá Hauri Weekamepa meʔuuximayáakame. Miya paimemetsie, piyuyexata 67 paimeti ʔikitiarika ke mitiyuwena ʔutirikayari haika ʔikitiarikatsie, 3 tiyuʔuayetiarika metá 81 Hauri Weekamepa. Tukaari ʔininiataametsie 2023-A teyuʔikitiwaame- te mepakaʔukai meyupaimeti 30,871, mériki ta 2023-B wiyaritsie mepitiʔirixi 31,865 pepihikitikai.

2.8 Waiká miraheekía mirayuyeʔatia ʔikitiarikapa metá ʔikitiarika ya tiyuheekwariyáti

- Hauri Weekamepa ʔikitiarika miyuyétua 2023 wiitaaritsie piʔinariikai 425 paimeti ʔikitiarika ke mitiyukuwena ʔutirikayari, teiwariki pro- gramas educativos (PE). Miiki panuyine, taʔuuximayátsika miyukat- suutiatsie ke mipaimekai hiiki 45 paimemeki PE puyutimiiriyáxi, tatsiari 11.8%
- UdeG ʔikitiarikayapa, 2023 wiyaritsie piyutiniitia 17 ʔikitiarika ke mitiyukuwena ʔutirikayari hehekwati, maana 10 Hauri Weekamepa mieme metá 7 Tatarí Weekápa ya Tsaúrixikapa mieme.
- Muiyutanuiwitsitia pai ti 2023 wiitaari pituyukatsuutia yuyetuati ʔikiti- arika ʔayehuutati ʔikitiarika maiyá miiki ri maana miraʔikitiarientetsie metá xaitsie mireuʔuuximayátsie pai ti. Hauri Weekamepa CUTLAJOMULCO panuyeka haikame ingenierías mipai reyukuʔuuximayátaame yexatati.
- ʔEena ʔi 2023 wiitaaritsie panuyunakixi 23,748 paimeti ʔiwáurika tituru miwayuyehurieniki, ʔaana 20,564 paimeti putiweewiya, miiki panuyi- ne Wararakaara Hauri Weekamepa tukaarieya ke mireuteewi hiiki ke mitiwayaki miireti piyuyétua.
- Tiuyutixeyaxiaka metá ʔuuximayátsika ʔuyutaheekwariyaku pirayu- yeʔatia yapauka mitiweewiwani miiki xapa títulos ya diplomas, maatiari mireuteereekai 68 tukaari ʔiiki ʔi xeikia peuyewetsé taamámata tukaari.
- Piyuyétua xapáte actas metá título makina taitá yukaʔuutáti PDF hetsie hepaina XML, payukaxeiriexia xapa heekiakametsie ʔaixi reyukuʔuu- táti heetsiena heutiníti código QR.
- UdeG haika wiyari piireuteewi hairiekatsie kaweti *ranking Times Hi- gher Education (THE) Impact 2023* tiyuteriwametsie. Tsire huu- tárieka memuyutaʔiixaxi mepaimeti 1,591 Hauri Weekamepa ʔanuʔuu- tikaiti kwie ke minenatsie, maana UdeG 238 paimeriekatsie pikáke, 91 paimemeki pitiʔirixi.
- Mepuyiwekaxia 73% meyupaimeti teyuʔikitiwaamete memitetahayewari- me memanutiki memuweewiyarietsie examen EGEL 2023 wiitaari. Heu- yukaʔiniatáti 2019 wiyari hiiki puyutaweeriya xi 18% paimemeki.

3. Yeikiya metá makina maiya'ki waikawa tiyuweewíeti

Makina maiya'ki waika' mitiyuweewie heetsie timieme, Wararakaara Hauwe-rikamepa (UdeG) miireme 'uuximayátsika patinetia ya tinakitsitiati kiekari'pa makina maiya' mayuyexeianiki, miiki tsi ke 'aneneti maiya' Hauri Weekamepa miyunuiwitia neyukumaiwani kiekari'pa, kuruuxipa tumiini miwa'uuximayátsie metá ki 'apapáti makinaki piinite mitiyuweewie taitá. Wiitaari matitia maiya' yeikiwaamete ya memite'uuximayá miiremeki waika' mepuheekiatáxi heheekwame maiya'; yu'uuximayátsika 'utiarikayari mepuheekiatáxia naimetsie tiyukuxatáti; hipáti maiya' memiyeikétiwe mepanutahaxia ya katixai ya mepite'ayé'u Sistema Nacional de Investigadoras e Investigadores (SNII) heetsie. Hepaina, ya pitiuti'yi te'kitiwaamete maiya' yeikiya kwitiwa memiheiwé'eriekaki metá tsiere harerutsiya miwanakeniki.

3.1 Yeiyari yuwenati heetsiena miyunuiwitiaka hehekwati 'uuximayátsika

Centros de Emprendimiento e Innovación (CEI) pitiyumare kiitá hakeewa mitiyuti'eniwa, mitiyutiweeriya metá mitiwayutiteitsiwa wáritaana miyutuika yeiyari heheekwame 'uuximayátsika minuiwitsitiane Hauri Weekamepa metá kiekari'pa. Haika wiyari mireuteewi meuyuyepixia 'iiki kiitá, 'aana titi ri piyutaweerítia 47.1% paimemeki, 2021 wiitaari 17 mipaimekai hiiki 2023 putipamerixi 25, miiki huutáti piyutinuiwitsitia 2023 wiyari, xewíti putákerie Escuela



Preparatoria Tonalá Norte xewiti ru ta Escuela Preparatoria Regional Tepatitlán de Morelos.

Pitiyane 2021-2023 wiyari, CEI ʔuuximayátsikaya pititia 88.3% paimemeki teitsiya ʔikitiarika miyétua, mexi ri ta ʔikitiarika meʔanutayaxiketi yaaki mireuteeteere ʔuyutimiiriyáxi 117.6% paimemeki. 2023 wiitaarisie payutinetia 915 teitsiya ʔikitiarika (asesorías), 4 ʔikitiarika meʔanutayatsariwati yaaki memiteheuteeteere (diplomados) metá 322 cursos tsiere talleres. Wiitaari manatitia temikuxata, teyuʔikitiwaamete memutitirikariyarie heheekwame ʔuuximayátsika memitinuiwitianiki meputimiirixi meputiʔaxia 33,248, ʔaikitsie heuyukaʔiniatati piyutiʔiiráxi 76.4% paimemeki. Hepaina, 2023 wiitaari 250 meyupaimeti Hauri Weekamepa memitehawiya mepanutayatsarie xapa meputahuritiarie ʔitiweewieku Registro Nacional de Cursos de Capacitación basados en Estándares de Competencia (RENAC) heetsie, metá tsiere Consejo Nacional de Normalización y Certificación de Competencia Laborales (CONOCER).

3.2 ʔAyuyexeyati metá yuyexatati maiyá yeikiya

Ki miyukuʔuitiatika maiyakameki weewiyarika muuwa mayuyexeyaniki ya miyuyekeneni, 2023 wiitaarisie peyuxeyakai 679 paimeti, miiki tsi, puyutiʔiiráxi 30.8% paimemeki, wareuʔaiki 519 xeikía pipaimekai. Maana 64 paimeti pikuruuxitika, 136 kiitá mitiyuyekene pihiki metá 479 paimeti kiite pihiki muuwa piranuyexexeyia.

Mekiku kwieyaritsie Hauri Weekamepa mikatiyuwiyatika manuʔuutiká tixeyariwati, maana UdeG yaxekía huutárikatsie pikáwe yumiireme maiyá teyekikiwaamete piwarayeʔuitia Sistema Nacional de Investigadoras e Investigadores (SNII-CONAHcyT) hetsie. 2023 wiyari, SNII memayeʔukai 1,976 mepipaimekai, 488 mepiyuʔiniatatiwe, 1,198 mepakaʔuxá Nivel I, 223 mepaimeti Nivel II, 59 ri ta Nivel III tsiere 8 ʔamepahu ʔuuximayátsikatsie mepiteʔuteriwáriwa Eméritos. Ya xeikía tsiere, Wararakaara Hauri Weekamepa pakaʔutia 402 paimeme maiyá yeikiya hipame Hauri Weekamepa wahamatia yuʔuuximayáti,

miiki 228 paimeti Mekiku kwieyari wárita pai ti piyuweewie, ya paitá 174 payuyexeyia Mekiku taitá.



Ranuyuyexeyati CUCEI kuraru ta

Mutaparixi 2023 wiitaari, UdeG puʔiniatáxi 593 paimeme ʔikitiarika ʔuuximayátaame waxeiriya tiyuteriwáti Cuerpos Académicos (CA), 282 paimeti ʔaixi ʔakuxi piyutiyuruwa, 177 ʔiniaríti ʔeetsiwa tikaaku ʔaixi petiʔánene metá 134 paimeti hirixía payeʔatika. Maiyá yeikiya ʔuuximayátaamete ʔiiki xeiritsika hetsie memayeʔu mepipaimé 2,797. Miiki CA pakaʔutia 545 paimeme ʔuuximayátsika ʔutiarikayari 1,188 ʔanutapaimeme maiyá miyuweewiene metá 264 paimeti puheekiatsie xaitsie kuruuxi manuʔuutikátsie.

Tukaaripa 2022-2023 wiitaarisie piyuheekiatáxi Secretaría de Educación Pública hetsie 807 paimeti maiyá yeikiya ʔuuximayátsikayari taamámata maiyá ʔayepaimemetsie. Hauri Weekamepa Witsarieyatsie ʔuyutinuiwitsitiaka maiyá yeikiya ʔuuximayátsikayari tumiiniki mupareewiyaxia paki 416 paimeti, miyátiniketi puyukumayia \$131,201,941.23 ʔiniári. Maiyá yeikiya ʔuuximayá-

taamete ʔukári ʔukítsi meyunítí meputiweewi 143 paimeme ʔuuximayátsika ʔutíaríkyari hipame wahamatia ʔeena Mekiku kwieyarítsie metá 36 paimeti piyutiʔuuximayátaxi Mekiku kwieyari wárita, kíimana puyutiweewi 313 xapáte teriwáriwaame metá 2,214 ʔutíarika.

ʔAyumieme, pítíʔuuximayátsie teitéri mepíteʔíkítíarie maiyá yeikiya mema-nukuweiyaki, 210 meypaimeti teyuʔíkítíwaamete mepuyekinixia maiyá memiyeiketíwe waheetsíe wahamatia memitetaʔuuximayátake, 281 mepanuta-haxia maiyá yeikiyapa memitepareewieni metá puyuyexá 674 paimeti pareewi-ya teyuʔíkítíwaame wahetsíe mieme yapauka maiyá yeikiya memikatsutianiki. Míiki ri, Tsauri Weekápa memikaʔuuwa meminiítíaríetiwetsíe timieme, puyutimíiriyaxi 303 ʔiniarimeki ʔíkítíarika ke mitiyuʔuuximayáta ʔakaʔutsietí Sistema Nacional de Posgrado (SNP) hetsíe.

3.3 Makina maiyá kíimana waiká mitiyuweewiekaki

ʔIiki wiyari miyukuxata, Instituto Mexicano de la Propiedad Industrial hetsia puyuheekiatáxi heheekwame ʔiwáurika weewiyarikate ʔíwiyarika xapátetsie mitiweewiereki, míiki, 13 patentes pihiki hepaina 8 modelos de utilidad, naiti Hauri Weekamepa tíiriyámama ʔukári ʔukítsi piwaweewiya. Xapa weewiyarikate ʔíwiyarika mutiweewiyarie payexiri 22 paimeti maana 16 patentes pihiki, 4 modelos de utilidad metá 2 diseños industriales, meʔitiweewiéku 48 meypaimeti maiyakameki weewierikate memiyeweiyá.

Puyutiweewi 4,237 paimeti ʔutíarika mitiheekiata tiita mitiyukaxexeiya maiyá yeikiyatsie. Maana, 2,509 utíarika payukaxexeiwa xapa maikate memitixexeiya heetsíe; ya paitá, xapáte maiyakameki weewierikate miwenarime UdeG pi 60, heetsiena puheekiatsie 1,001 ʔutíarika ya mayetiti 1,309 meypaiti meʔitiweewiéku; ʔiiki 18 paimeti xapáte teriwáriwaame piyukaʔuitia ʔaixuwimeriekatsie waiká makumatiwa maitíaríkatsie naitsarie kwie ke minena yutaxexeiyáti.

Mayutiheekiatárimé maiyá weewiyarika maana panuyekika ʔíkítsika *Ciencia UDG* makaʔutíarie pakaʔutsie Instituto Mexicano de la Propiedad Industrial hetsíe. *Ciencia UDG* pítíheekiata tiita mitiyuyeweewixime Hauri Weekamepa Witsariyatsie metá yutíiriyáma piwaheekiata ke hate maiyakameki weewiyarika memiyeweiyá ya ʔi pítítaníʔaawá ʔíikítetsíe: *Facebook, Instagram, X* tsiere *Youtube*.



Xapa heekiatsikáyari "El lector científico. Vida e invenciones de José María Arreola"

Mayukumate maiyá weewiyarikatsie panuyetei xewiti titewati *podcast Háblame de Ciencia* (Maiyá weewiyarikatsie tepítetixata) payuʔeniiríikire *Spotify* metá *Apple Podcast*; xewiti ri ta pítitewá *podcast Cosas de Sapiens (Sapiens heetsie timieme)* ʔíiki ʔi *YouTube* heetsie pikáke maatiari 10 yemeke waikawa memiʔenierie memanuyeteitsíe, maiyá weewiyarika mekuxatati. Yaxeikía tsie-re, pamatiwani UdeG manutaha *The Conversation Media Group* mitiyuteu-karitatsie internet heuyutapareewieti mitiheekiata maiyá weewiyarikate tsepá ke miʔane mixeiya piyiwe. Míiki tsi maatiariki kuruuxi mekikutaanaka ʔeena muʔiaririxi kanayaní, ʔayumieme *The Conversation ES (España)* hamatia xapa niuki meʔunika mepixirikixi.

3.4 Waiká maheekía tiita mirayuye'atía makina maiyá weewiyarikate hetsié

- Mekiku kwieyaritsie Hauri Weekamepa mikatiyuwiyatika manu'utiká tixeyariwati, maana UdeG 'iiki 2023 wiyari yaxeikía huutárikatsie pikáwe yumiireme maiyá yeikiwaamete miwaraye'uitia Sistema Nacional de Investigadoras e Investigadores (SNII-CONAHCyT) hetsié.
- Ke hate Sistema Nacional de Investigadoras e Investigadores (SNII) hetsié memaye'ukai me'uti'iniatsieka mepaki 1,976. 'Aiki 2022 wiitaari heuyuka'iniatáti hiiki meputimiirixi 20.3% (1,642) paimemeki.
- UdeG 2023 wiitaaritsie, putiweewiyarie 22 xapa maiyakameki weewiyarikate 'hiwiyari maana 16 patentes pihiki, 4 modelos de utilidad metá 2 diseños industriales. Miya reuteewiti 2019-2023, Hauri Weekamepa pikuxeirie 88 paimeme xapa maiyakameki weewiyarikate 'hiwiyari.
- 18 paimeti xapáte teriwáriwaame miweewie UdeG paheekiariwa 'auiwiti xapa kiyari waikawa mamatiwa Mekiku metá naitarie; miiki pihiki: Sistema de Clasificación de Revistas Mexicanas de Ciencia y Tecnología del CONAHCyT, Scielo México, Redalyc, SCOPUS metá *Web of Science*.
- UdeG panutaha *The Conversation Media Group* mitiuyuteukaritatsie, miiki internet heuyutapareewieti mitiheekiata maiyá weewiyarikate tsepá ke mi'ane mixeiyá piyíwe. 'Iiki maatiariki kuruuxi mekikutaa-naka 'eena mi'hiari piyiane, 'ayumieme *The Conversation ES (España)* hamatia xapa niuki me'unika mepuxirikáxi.
- 2023 wiitaari, 'ikitsika *Ciencia UDG* mitiheekiata tiita mitiyuweewixime Hauri Weekamepa Witsarieyatsie metá yutíriyáma miwaheekiata ke hate maiyakameki weewiyarika memiyeweiyá, miiki paka'utiarie paka'uutsie Instituto Mexicano de la Propiedad Industrial (IMPI) hetsié, pitiheekiata 'internet hetsié <https://cienciaudg.mx> ya'i *Facebook*, *Instagram*, *X* tsiere *Youtube*.
- 'Íkitiarika Tatarí Weekápa tsiere Tsauri Weekápa ke mitiyuwena 'utíarrikayari puyutimiirítia metá paka'utiarie Sistema Nacional de Posgra-

do (SNP) CONAHCyT hetsié. Metseri enero 2023 puti'iniatsie 274 paimeti, wiitaari manunitsie diciembre 2023 pipaimekai 303 'íkitiarika Tatarí Weekápa tsiere Tsauri Weekápa ke mitiyuwena 'utíarrikayari 'aka'utiarieti SNP.

- 2023 wiitaaritsie paheekiatsie 679 paimeti ki muyuku'uitiatika maiyaka-meki weewiyarika muuwa mayuyexeyani: 64 paimeti pikuruuxitika, 136 kiitá mitiyuyeikene pihiki metá 479 kiite muuwa píranyexexeiyá. Hiiki tawarí 160 paimeti peyuxeiyá, 'aiki 2022 xeikía 519 pihikitikai.
- Mayexitsie wiitaari 2023 piyu'uximayákai 25 Centros de Emprendimiento e Innovación, kiitá mitiyuti'eeniwa, mitiyutiweeriya metá mitiwayuti-teitsiwa, 8 paimeti tawarí peyuxeiyá 'aiki 2022 xeikía 17 pipaimekai.
- Meheuka'iniatsieti 2022 wiitaari, teyu'íkitiwaamete memutitirikariyarie heheekwame 'uuximayátsika memitinuiwitianiki meputimiirixi 76.4% paimemeki.
- 'Ukári maiyá yeikeméte meputimiirixi, 21.7% paimemeki, Sistema Nacional de Investigadoras e Investigadores (SNII) CONAH-CyT hetsié me'aka'uti. 2022 wiyaritsie 'ukári maiyá memiyekétiwe mepi'iniarikai 691, wiitaari 2023 mayexitsie 841 mepihikitikai.
- Temaikáte Hauri Weekamepa tiiriyámama meputiweewi 4,237 paimeti 'utíarika mitiheekiata tiita mitiyukaxexeiyá maiyá yeikiyatsie.
- *Podcast Háblame de Ciencia* mi'uuximayáta UdeG tiyukwewirietí kename 'ayukumaika maiyakameki weewiyarikate, miiki 89,933 paimexia puyu'eni Mekiku, Estados Unidos, Colombia, España metá Costa Rica paimeti. Ya 'i 'i *Spotify* piwarukuxeiri 3,252 'iweewiyamete mi ri ta *Apple Podcast* hetsié 1,318. 2023 wiitaari *Apple Podcast* México, pikáke *podcast Háblame de Ciencia* huutárikatsie *Social Sciences* 'apai ta 'atahuutarieka Science mitiuyumaretsie.
- Miyemiekai 2023 wiitaari, UdeG *podcast Cosas de Sapiens* mi'uuximayá, putiweewi 54 paimeme 'enierika maana maiyakameki weewiyarikate mayukumaikáki, 'utimaana taamámata meyupaimeti YouTube hetsié memanuyetei piwarutíni, miiki mi meteheekiátati heekwati maiyá miyuweewie.

4. Kiekarípa hetsíe timieme ke mityiane

ʔiki xapatsie naurieka xeitáapari katinakaʔuka ke pai mireikuweiya Wararakaara Hauri Weekamepa Kiekarípa hetsie timieme metá Tsauri Weekápa meutiʔu, maana pai mayetaine kename ʔuuximayátsika metá mayítarika xeikía katiyukuxata, pitá tsiere kename tinakemeki xapáte metetiweewiwa yunaiti teʔuuximayátaamete metekuxatati ke memiteʔuyemate ya tini mekuʔuuwáti, mixeluaweniki ʔutíaríkayari waikawa tikuxatatikaiti takiekaritsie ke mityutaine ya tini ke tiʔáneti naanaimárika mixeluawe takiekarípatsie.

4.1 ʔíkitiarika meuyuxeiyani

Wararakaara Hauri Weekamepa mititewá ʔiitsikame katinipinietini, maana katinawiyatikani waikawa ʔetsikwerate meʔuutika ʔeena Karitsiku kiekariyarisie, tatsiarí ʔetsikwera kaneʔutikani 110 munitsipuyutsie, naiti ta tihiki 125 munitsipiyute ʔeena Karitsiku kiekariyarisie, miya titi ri naime takiekari ke mityutaniemetikate tekaneuneikani. ʔiki ʔetsikwerate muyukuxata kanayeikani 18 Hauri Weekamepa Kuraarutá, tsiere tipaime 7 Hauri Weekamepa maana mirawiyatika ʔiwamáma. Yaxeikía tsiere maana katinawiyatikani 175 Hairieka ʔetsikwerayari, tatsiarí teemári yaaki memiteʔukiraáwetsiixi memayeteitsie, miiki 175 ʔetsikwera muyukuxata kanaanutahuuutáreni, tatsiarí 74 ʔetsikwera mihikitika kiekari ʔemiyeyeutsie meutiʔuutiká, tipaime ta 101 tiiriyámama tatsiarí teewa meutiʔuutiká, yaxeikía tsiere kanixuaweni tepíatsie xeikía memiteyuʔikitia. Wiitaari manuyetia 2023-2024 mekanuutiʔiniatsieni 335,538 teyuʔ. kitiwaamete ʔiiki Wararakaara Hauri Weekamepatsie, maana kaniyuheekiare kename 1.8% tiʔíríxi ʔaixi wiitaari ke memiyutipaimerekai, tatsiarí kename



me'utimiirixi hiiki, yaxeikía tsiere maana kaniyuheekíare kename 15.1% meti'irixi teyu'íkitiwamete 'iiki 'iitsikame yumayiyarika mukatsuutiatsie tatsiari (2019-2020). Miya titi ri pai katiniyukunitsani kename 43,938 teyu'íkitiwamete hekwaamete me'utixuawerixi 'auxiwime wiitari 'anuyeyaku 'eena Wararakaara Hauri Weekamepa hepaitsita.



Ke mitiuyutiuruwa kíta xapa miwa'uuti

Wararakaara Hauri Weekamepa hepaitsita pai katinanuyinini kename 'íkitiarika 'aixi 'aneme yetuaka yunaiti teyu'íkitiwame wahetsie mieme tseepá hakeewa mireyu'íkítia ya tini tseepá hakeewa meutimie. 2023 wiitaaritsie, meyupaimeti 164,769 teyu'íkitiwaamete Hairieka 'etsikwerayari memutihu mekatenuyu'íkitiakaitini 'etsikweratetsie 'aixi 'aneme 'íkitiarika memiyétua, tatsiari memakikakai 87.6% yunaiti ke memiyutipapaimere teyu'íkitiwaamete. Yaxeikía tsiere 2023-2024 wiitaaritsie, meyupaimeti 97.8% teyu'íkitiwaamete Tsauri Weekápa memayetei mekatenuyu'íkitiakaitini 'etsikweratetsie 'aixi 'aneme 'íkitiarika memiyétua. Metá tsiere 'aana wiitaaritsie 2023 mekanaxatsiwani 4,777 meyupaimeti Tsauri Weekápa metá Tíkiwemepa memiteyu'íkitiakai

'etsikweratetsie 'aixi 'aneme 'íkitiarika memiyétuatsie, tatsiari memakikakai 65.4% yunaiti ke memiyutipapaimere teyu'íkitiwaamete yatewa memutihu.

2023-2024 wiitaariyarisie, Wararakaara Hauri Weekamepa kaniwaraka'utiakaitini 1,664 meyupaimeme teyu'íkitiwamete 'eewikiekarite kiekataari, miiki miya meyupaimeti memaka'ukakai, mekanihikítikaitini 889 'ukári, yaxeikía tsiere 775 'ukítsi, yunaiti ri ya memiyutipaimerixi 'aana wiitaari mekaniti'iré 21.6% 'aiki ke memiyutipaimerékai. 'Iiki teyu'íkitiwaamete 'eewiekákataari mekaniyimiirekaitini Wixáritaari metá Nahuatsiixi, Wixáritaari 38.9 % memakikakai, ya pitá ta Nahuatsiixi 35.5% mete'akikákai. Wa'utima ta meteheti'uuwékai Akatekotaari meyupaimeti 3.6%, yaxeikía tsiere Mixtecotsiixi 3.5% mete'akikákai. 'Imaatirieká, Wararakaara Hauri Weekamepa katiniwa'íkitiaka 28 'eewiekákataari, metá tsiere 1,774 mete'akikákai teyu'íkitiwaamete 'eewiniuki memuniukatika, tatsiari 47.8% maatsi waikawa 'aana wiitaari mekaniti'iré. Yaxeikía tsiere, 2023 wiitaaritsie meyupaimeti 6,088 teyu'íkitiwaamete memitekukuuye mekaniyakaitini, tatsiari memiyiakai 78.4% waikawa 'aixi memikateheuneniere, yaxeikía tsiere memiyiakai 7% teyu'íkitiwaamete yumaa-máte ya yu'íkate 'aixi memikate'uyuitiwa, tsiere meteyupaimekai 4.3% wairiyarika 'ítarika metá maiyá memetimamate. 'Aana wiitaari 2023 mepiyiakai 6,088 teyu'íkitiwamete memitekukuuye, 2019 wiitaaritsie ta meteyupaimekai 3,951, tatsiari pai mekuyine kename meti'irixi 54.1%.

4.2 Wararakaara Hauri Weekamepataari te'uuximayátaamete ke teewa memuye'atika.

2023 Wiitaariyarisie mepuyutipaimerixi 31,523 teyu'íkitiwaamete yu'uuximayátsikaki kiekari memakapareewi, tatsiari mayítarikaapa memayeitia, miiki miya memiyupaime mekaniyakaitini 29,765 meyupaimeti teyu'íkitiwaamete yupareewiya memiyétua 'iitsikáte wahetsia, tatsiari; 66.2% memite'utapareewi maana Hauri Weekamepa Witsari, yaxeikía tsiere meyupaimeti 12.6% yumayiya meteyétua munitsipiye me'ututikátsie, yaxeikía 5% meyupaimeti teyu'íkitiwaamete pareewiya mete'uweewi 'iitsikame Kiekarípa. Yaxeikía tsiere

1,979 meypaimeti pareewiya mepuweewi kiekari teewa memanetikátsie ya tini teitéri haweeri 'anékia memiyuxeiya wahamatia, miiki miya memité'uyuri meynití hipátí teitéri memite'ukapareewiku wahamatia yaxeikía xapa pareewi-waametsie mekanieréti.

'Uuximayátsika muyuweewi kiekari memakapareewi, mekaniupareewiyani 146,319 meypaimeti teitéri haweeri 'anékia memutetiká ya tini tekwikwika-te wakiyari mikaheuti'utsie, ya tini 'etsikwera mikaheuxuwetsie. 'Aana 2023 wiitaaritsie mekaniupareewiyani 20,023 meypaimeti teitéri 'eewikiekátaari, yaxeikía tsiere metehakapareewiya 1,433 teitéri memitekukuuwe ya tini memikameiwawe. Pareewiya miya mete'uweewiwati teyu'íkitiwaamete mekaniuyi'hiwiya kename waikawa maatsi pareewiya reuyewetsé, 'ayumieme Wararakaara Hauri Weekamepa xeíme xapa kanexeyani titewakame *Nos late vivir*, maana paí mayetaine kename teitéri ke mi'ane ya mira'eriwani 'akapareewiyani xátsikakí, ya tini 'utíarikakí metá tsiere niuki ke mitiuweewieni xíka pareewiya heuweewimikini. 'Aana wiitaari 2023 manuyetiatsie 66 mexía xátsika pareewiya kaniyuweewieni, naití ri 137,999 mayiia pareewiya kaniyutiweewieni 20,520 teitéri wahepátsita mieme. Tatsiari 54 kuruniyate kaniuti'ixiariyani 33 munitsipiyutetsie, 'imaatirieka ri mayiia pareewiya tiuye'axia 357 kuruniya paimeti 'eena Kariitsiku 'etsitayuyaritsie.

4.3 Teitéri wanaanimárika mikatixuawenikí, memipareewiyakakí, mixanetsiekakí metá muyukuxatanikí.

2023 Wiitaari manuyetiatsie kaniyutiweewieni 209 kiekátaari tiwamayii-yatsie timieme, tatsiari muyukuxatanikí ke paí teyiati teitéri wanaanimárika mikaxuawenikí, memipareewiyakakí metá muyukuxatanikí, maana kaniutixuawere 170 cursos (81.3%) tatsiari mekananutayatsarieni 2,001 (55.1%) meypaimeti teitéri, 'utíma ta tsiere tiutixuaweríxi 28 talleres (13.4%) maana ta metehanutayatsarie 531 (14.6%) meypaimeti teitéri, yaxeikía tsiere Unidad Para la Igualdad (UPI) titewati tiutiweewi 11 conferencias (5.3%) maana ta

mete'uti'ixatsitíarie meypaimeti 1,097 (30.3%) teitéri, tatsiari yunaiti mekanakikani 3,629 teitéri memite'utixatíarie naanimárika hepátsita timieme.

Maatiari meyu'uitiatiki teitéri wanaanimárika muyukuxatatsie metá memipareewiyatsie, kaniutixuaweré 827 xaneetsika 'ukári metá 'ukítsi wahepátsita mieme, miiki xaneetsika xapatsie kaneuyehatiarieni titewakaku Protocolo para la Prevención, Atención, Sanción y Erradicación de la violencia de género en la Wararakaara Hauri Weekamepa (PPASE). Yaxeikía tsiere kaniyuheekiatá titewati Unidad de Acompañamiento, maana mekanaye'utikani teyu'íkitiwamete memite'uyemate naanimárikatsie timieme, tatsiari miiki memiyia Federación Estudiantil Universitaria (FEU), 'iiki 'i Unidad de Acompañamiento mekanaye'uka meypaimeti 25 teyu'íkitiwamete naanimárikatsie timieme memite'uyemate UPI wapareewiekaku, miiki miya meypaimeti mekaniyiaka yunaime yu'íwaáma teyu'íkitiwamete memiwapareewie naanimárika tsaata memuyuxeiya.

2023 Wiitaariyatsie, Wararakaara Hauri Weekamepa 'iwáurika kaniuweewie-tiyani yunaime teyu'íkitiwame wahetsia, memitehetimamatenikí ke memiteku'eriwa metá ke meteyuxeika 'ukári, 'ukítsi ya tini teitéri yíki paítá memiteku'eriwa. 'Iiki 'i 'iwáurika kaniuweewieni UPI mititewá, ya meteku'eriwati kename naanimárika ya tini táwe'erika katixuaweni, yaxeikía tsiere mipai meteku'eriwati kename yunaiti teitéri meheekíaka tseepá ke memite'uyukekétiwa ya tini tseepá ke memiteku'eriwa. Maana 'iwáurikatsie mekaniuti'ani metá mekatenuitixata 10,715 meypaimeti teyu'íkitiwamete.

4.4 'Uuximayátsika miyúhii kuruuxite yuhiikíate teyumayíriwaamete metá kiekátaari tiwamayíia wahamatia

Hiiki memaká'u te'uuximayátaamete wamayíarikatsie mekatenuwaruta'uuximayátsitiani 'iitsikáte wahetsia, yuhiikíate teyumayíriwaamete metá kiekátaari tiwamayíia meypaimeti 124,550 teyu'íkitiwamete, tatsiari memiyia 46,064

ʔukítsi (37%) metá tsiere 78,486 ʔukári (63%). 2023 wiitaari manuyetiatsie me-kaniuheekíare kename ʔaana yeme wiitaaritsie yuwaikawa teyuʔikitiwaamete kiekari pareewiya meʔuweewi, tatsiarí memaxaxatsiwa kename meʔuyutipai-merixi 29,894 teyuʔikitiwaamete, tatsiarí maana 18,938 ʔukári memiyiakai metá 10,956 meteyiakai ʔukítsi.



CUTLAJOMULCO kiya 'uyemiiretí taitana mitiwayu'íkita

Yaxeikía tsiere ʔaana 2023 wiitaariaritsie miyiane Wararakaara Hauri Wee-kamepa kaniutiweewieni 142 xapáte meyumiireme teʔuuximayáamete metá tsiere waikawa ʔiitsikáte wahamatia, mipai metekuʔeriwati kename yumiireti meyunití maatsi ʔaixi metekuʔuuximayátani metá tsiere kename metepareewie-ka naitarie ke mitiutahapane Karitsiku kiekaiyari.

4.5 Yurienaka ʔiwiyarika

2023 wiitaaritsie kaniyuyeweyakaitini pareewiya mititewá Programa Transición Energética, maana mekaniyetuayákaitini sistemas solares fotovoltaicos titetewame, tatsiarí mekaniyupareewiyani 19 sedes UdeG, ʔayumieme ta ri naiti kanakine 45 sedes energía renovable hexeiyati. Yaxeikía tsiere kaniyutiweewieni heheekwati 4,153 paneles solares, naiti ta ri mutiʔiniatsie méripai mayutiweewixime nití kanayeikani 10,954 paneles, miya titi ri tirikariya waikawa kanitiʔiré 2.4 a 4.5 megawatts, tatsiarí pai mekuyine kename tirikariya waikawa ʔutixuawerixi tepíate memiteʔheuwiwitiwaniki yurienaka mekanaanimáti, ke pai kanaxaxatsiwani kename xeiwitaari ʔayexiriwekai 4.9 millones de Kilowatts hora (kWh); miya titi ri katineuhanani 2,015 ki kixeéme memikumaiwani hepai yaxeikía tsiere 2,157 toneladas de bióxido de carbono (CO₂) kayuxitiatí kanayani. Metá tsiere pareewiya muxuawe titewati *Programa Recuperación de Ahorros por Energía Verde*, 18 sedes miyia kananunake \$9,728,630 kimaana maatsi waikawa tepíate memitewewieka yurienaka ʔiwiyame metá takwie temikanaanaimakaki.

Kaniyuyeweyakaitini pareewiya titewati Programa *Nubes UdeG*, miiki pareewiyatsie kaniyutiweewieni ʔeetsikweratetsie maatsi waikawa tepíate ha kukwekwéwiwaame, tatsiarí wiitaarita mieme, kimaana ʔiteirite memukahatuiyaniki, ya kimaana ki kwitaame memekahatuiyaniki, ya tini maatsi tseepá teitéri memiharé xika yeme ʔaixi ʔaneni. ʔiki pareewiya kaniukayuaní tumiini \$3,648,474 paimeiti yetuyáku, ʔeena meri mekanukayuaní 4 Hauri Weekamepa ha kukwekwéwiwaame mewewieti, yaxeikía tsiere meteʔukáyua meʔiweewieti 12 planteles del SEMS wahetsia. ʔiki ʔi pareewiya waikawa ha kukukewiwaame katiniutakekani, mipai katinekuʔiniariní kename xeiwitaari meʔutikukewiwaani 2,248,346 litros, ʔayumieme mipai miranuyine kename taame maatiari Wararakaara Hauri Weekamepataari teyia ha wiitaari temeukukwewietika miiremeki.

Warakaara Hauri Weekamepa miixia ri pamipariyuútsi kaniuweewiyarieni miya mirati'uuximayátarimeki kwiépa timieme mitixuawe ti'hiwiyati, maatiari pamipariyuútsi kaniweewirieni titewati Premio al Uso Eficiente y Generación de Energía Limpia 2023, miiki niuki kaniweewirieni el Colegio de Ingenieros Mecánicos y Electricistas de Karitsiku (CIMEJ); yaxeikía tsiere waikawa pamipariyuútsi mete'uweewiyarie me'aka'utiarieka titewakaku Eficiencia Energética en el Sector Terciario de la Asociación Mexicana de Empresas de Eficiencia Energética (AMENEER); Yaxeikía tsiere, pareewiya memexeiya titewakame Programa de Transición Energética de la UdeG kanaanuyehanieni tiyurienekaku el Centro de Desarrollo Sostenible y Gestión del Cambio Climático de la Universidad de Hamburgo pai meteku'eriwati kename xapa titériwaametsie meuyéhatarieni, tatsiari titériwaame mititewá *Los compromisos de las universidades con el desarrollo sostenible: experiencias de miembros de GreenMetric*.



Kita mitiwa'etsie CUNORTE kuraruya ta

4.6 Waiká miraheekía mirayuye'atía Kiekarípa hetsie timieme.

- 'Iiki 'iitsikame yumayiyarika mukatsuutiatsie mekaniti'hiré 15.1% teyu'í. kitiwamete, tatsiari kename 43,938 teyu'íkitiwaamete hekwaamete me'utixuawerixi nauka wiitaari 'anuyeyaku 'eena Hauri Weekamepa Witsari.
- Wiitaari muyukatsuutiatsie 2019 'uti'akameki 2023 kaniti'hiré 6.7% 'etsikweratetsie 'aixi 'aneme 'íkitiarika memiyétua. Yaxeikía tsiere 'aana wiitaaritsie 2023, waikawa Hauri Weekamepa metá SUV 100% 'aixi 'aneme 'íkitiarika mekaniyetuakaitini.
- Hiiki mekaniti'hiré meyupaimeti 21.6% teyu'íkitiwaamete 'eewikieká-taari, yaxeikía tsiere 47.8% mekaniti'hiré teyu'íkitiwaamete 'eewikiu-ki memuniukatika, yaxeikía tsiere teyu'íkitiwaamete memitekukuuye mekaniti'hiré 54.1% ke memiyupaimakai 2019 wiitaariyaritsie.
- Kaniyuheekiáta titewati Unidad de Acompañamiento, maana meka-naye'utikaní meyupaimeti 25 'ukári FEUtsie memayé'u memite'uyemate naanaimárikatsie timieme, miiki yunaime yu'iwaáma teyu'íkiti-wamete memiwapareewie naanaimárika tsaata memuyuxeiya.
- 2023 wiitaariyaritsie 'iwáurika kaniuweewietiyani yunaime teyu'í. kitiwame wahetsia, memitehetimamateniki ke memiteku'eriwa metá ke meteyuxeiya 'ukári, 'ukítsi ya tini teitéri yiki paitá memiteku'eri-wa UdeG memiteyu'íkitia, maana 'iwáurikatsie mekaniti'ani 10,715 meyupaimeti.
- Hiiki memaká'u te'uuximayátaamete wamayitarikatsie mekateni-waruta'uuximayátsikatiani 'iitsikáte wahetsia metá yuhiikiate teyu-mayíiriwaaméte meyupaimeti 124,550. 2023 wiitaari manuyetiatsie mekaniuheekiare kename 'aana yu waikawa teyu'íkitiwaamete kiekari pareewiya me'uweewi, mekaniyutipaimeré 29,894 teyu'íkitiwaamete.
- Kaniyuutiweewieni heheekwati 4,153 paneles solares, naiti ta ri mu-ti'iniatsie méripai mayutiweewixime naiti kanayeikani 10,954 pa-neles, miya titi ri tirikariya waikawa kaniti'hiré 2.4 a 4.5 megawatts, tatsiari pai mekuyine kename tirikariya waikawa 'utixuawerixi tepiaté

memitehuwitiwaniki takwie mekanaanimati, ke pai kanaxaxatsi-wani kename xeiwiitaari 'ayexiriwekai 4.9 millones de Kilowatts hora (kkWh); miya titi ri katineuhanani 2,015 ki kixeeme memikumaiwani-ki hepai yaxeikía tsiere 2,157 toneladas de bióxido de carbono (CO₂) kayuxitiati kanayani.

- Kaniyuyewiyakaitini pareewiya titewati Propgrama Nubes UdeG, miiki pareewiyatsie kaniyutiweewieni waikawa tepiáte ha kukwekwéwiwaame, tatsiari wiitaarita mieme. 'Iiki 'i pareewiya waikawa ha kukwekwéwiwaame katiniutakekani, pai katineku'iniarini kename xeiwiitaari me'utikwekwewiwani 2 millones de litros.
- Pamipariyuútsi tekaniuweewiyarieni kwiépa timieme mitixuawe temite'hiwiyaki, maatiari Premio al Uso Eficiente y Generación de Energía Limpia 2023, miiki niuki kaniuweewieni el Colegio de Ingenieros Mecánicos y Electricistas de Karitsiku (CIMEJ); yaxeikía tsiere waikawa pamipariyuútsi mete'uweewiyarie me'aka'utiarieka titewakaku Eficiencia Energética en el Sector Terciario de la Asociación Mexicana de Empresas de Eficiencia Energética (AMENEER).



5. Mayukumaikáki yeiyaritíarika

Tsiere 'íkítíarika memite'ayexeiya, memiteyeiketiwe, mi ri extensión metá responsabilidad social memayexeiya, tsi UdeG waikameki tinepareewie tsiere yeiyaritíarika mayukumaikáki, Wararakaara Hauri Weekamepataari memiwa-yetetikatsie metá waana pai tí memanuhanetika, kimaana yeiyaritsie timieme hurawa maatsi memixeiyaniki. Míiki naiti reutinití temitehaxaxata, yeiyaritsie mitikuxata tsiere pixeiya ke memiteheyuxeiya, ke memitekahu Wararakaara Hauri Weekamepataari watukaari mikaniere, mekanixatani tsi ke mitiyuweewieni metá ke mititirikaiye wa'itsikámepa, ya memaitikaní watumiini keewa, ke pai mitiyuxitiane mi ri reducción de asimetrías.

5.1 Hauri Weekamepa memayetei

'Anerikaki manuyukuhana mete'ayexeiya kimaana muyutakeniki formación integral titewati, 2023 wiitaariyarisie puyutaweewi maatiari escenario itinerante *RUGIDO UDG: Concurso de talento* titewati, mayutinetiatsie mepiwarunakixi 1,254 teitéri memihikitikai meyuxaitataati, memiyutihuutarixia méxikatini memimiireti, meyuxeireti tiwarakanaketsie neiya (272), kwikari (697), kwikari 'enierika (210) míiki ri performance (75). Yaxeikía tsiere, 'aana meutiniirixi *Encuentro de Talentos Rugido UDG* titewati mayutiweewi, mekaneukikinixiani tsi 250 artistas reuyeta taamámata Hauri Weekamepa kuraarutá metá Hauwerikaripa memayetei mekaniu'iarire, 'inierika putaweewi Artes Escénicas kimaana míikiki memiheekiataniki ke memite'uta'uuwé metá ke memite'akumate.



Tsunarika mitiwati'uuximayátsiwatsie Wararakaara Hauri Weekamepa mieme piwaune muyuweewiekaki teiteri, te'uuximayátaamete miiki ri me'unaaneti mem'uuananiki, yunaiti, memayehianiki 'aixi 'iyaari memuyuxeianiki metá 'aixi memiteheuyukupareewiekaki teitéri Hauri Weekamepa memite'uuximayá. 'Ayumieme mekaniuyukúxeirieni metehayeitia ta días *viernes de identidad universitaria*, puyuweewi piyetuiya tarjetas de vales de despensa titetewati metá nómina con una imagen institucional, piyuniawaxi tukaariki 'aixi memite'ukwa'aniki heuyutapareewieti acondicionamiento integral titewakametsie, tsiere ta waiká katiniuyutiweewieni.

5.2 Yeiyari memakumaikáki


2023 wiitaariyarisie, piyuyétua 70.7 millones petsuyari Museo de Ciencias Ambientales (MCA) hetsia, naiti kanayeikani tsi 2016 'uti'atí 2023 wiitaariyarisie 1,287 millones petsuyari, kimaana mepitexeimete tsi kename ri 83 %tsie 'atí ri pitaweewiyani 'iiki ki materiwáriwa.

Wararakaara Hauri Weekamepataari memiwayetetika muku'uutikatsie, puyutiweewi naimeki ri 7,112 eventos yeiyari muyuwiweiekaki mekaniuheekiare tsi 1, 872, 265 teitéri yukimaana memekukinixia metá teewa pai metaneniereti. Tsiere ta, Museo de las Artes (MUSA) tiwarunakixi 2023 wiitaariyarisie 1 millón teitéri.

Wiitaari 2023 manuyetiatsie, UdeG payexeyakai 3,639 bienes de patrimonio artístico miiki ri yeiyari tangible. Yaxeikía tsiere, Ballet Folclórico miiki ri Ballet Folclórico Infantil, patinetia 23 heekiatsikate miiki ri 19, 745 waxexeyamete metekukinixia.

37rieka mayutinetiatsie Feria Internacional del Libro (FIL), kaniyukatsutiani 25 nuwemire miiki ri reutiparixi 3 ritsiemire 2023 wiitaariyarisie tsieti, 'aana tsi mekaneukukinixiani 857,315 teitéri, kimaana implantó un record en asistencia. 'iiki mitiyuheekiataxi pirayehukai tsi 3,000 mayitiarika rawiyati FIL Niños, FIL Pensamiento, FIL Ciencia o FIL Joventesie timieme.

Wiká tepaheekikiata 'iiki mirayutinetiatsie pitatsiheku'iwatáxi Unión Europea Invitada de Honor, tsiere ta, metekukukinixia 820 xapáte 'utiwaamete Kekiku wárita kiekátaari 61 teiyurienakapataari memanexia miiki ri mete'upareewi 17,400 'iyaaritiaarikate xapáte miwaweewiyatsie memitewa'uuximayá.



Museo de Ciencias Ambientales 'ixumariyari ke mayuweiya

38rieka mayutinetiatsie Festival Internacional de Cine Guadalajara (FICG), kanatineni tsi 3 kuniyu 9 'uti'atí 2023 wiitaariyarisie, 'aana mekaneukukinixiani 49, 386 nenieremete, mekananutikine 61.9%ki tsi 'aiki 2022 wiitaariyarisie xeikía manekuneniere 30,500. 'iiki wiitaari materiwáriwatsie tatsiheku'iwatáxi teiyurienakaapa Italia, kanihikítini tsi un referente materia de creacióntsie, transformación de géneros filmicos miiki ri cuna de importantes movimientos cinematográficos, neorealismo mititewá.

¡Olas y olas de diversión con el mundo marino! mikuxatatsie, piwarunakirixi festival creativo tiiri metá teemári mematinetia: Papirolas mititewá 28rieka mayutinetia, kanayutinetiani tsi 4 octubre 8 'uti'atí, mekaniweewieni Pabellón

Cultural Universitario y el Conjunto Santander de Artes Escénicas mirakutewátsie, mekaneukikinixiani 73,134 teitéri heekíakameki memekukinixia metá 4,225,347 teitéri makina wárita memitaneniére, 'iiki tsi kanaheekikíatani 12.5 % maatsi waikawa memekukinixia miiki ri 83.7% respectivamente, 'aiki wiitaariyarisie tsi 'aana xeikía mekaneukikinixiani heekíakameki 65,000 teitéri metá 2, 298, 955 teitéri makina wárita xeikía memitaneniérekai.

2023 wiitaariyasitsie pikayutiweewi Feria Internacional de la Música de Guadalajara (FIM GDL), pitá ri patinetiarié maatiari yemeki *Conexión México: Moviliza tu música* titewati, puyutaweewi meyupareewieti *Spotify* matia, 'aana tsi kaniuyutaweewieni *tour* titewati kananuyani waikamexia ta kiekari Meki-ku kwieyaritsie mieme, conferencias meweeewieti, talleres miiki ri espacios *networking* memite'utériwa, meteku'eriwati yáiraritarika memiyeweyaniki ke mi'ane heyemeki miwarakanake metá 'aixi memikuyuruwa meheuyutapareewieti ke memíteku'eriwa metá meyunaimitiati 'uuximayátsikatsie.

5.3 'Iwáwaame kiyari

2023 wiitaariyarisie, mayítari te'uximayátaamete Hauri Weekamepa Witsariéya memitehawiya mepihikítikai 10,565 te'uximayátaamete, manihikítikai-tini tsi, 53.6% (5,666) 'ukári te'uximayátemete menehikítikai miiki ri 46.4% (4,899) 'ukítsi te'uximayátaamete menehikítikai.

Hauri Weekamepa putahayewaxi mitiutaheekwariyáxi Plan de Desarrollo Institucional 2019-2025, Visión 2030, y los planes de Desarrollo de los Centros y Sistemas mititewá, katiniupareewieni tsi Hauri Weekamepa Witsariéya. Plan de Desarrollo Institucional (PDI) punirie 29 marzo 2023 wiitaarisie Honorable Consejo General Universitario (HCGU) wahixie.

2023 wiitaariyarisie Wararakaara Hauri Weekamepa panutaha memiyuku'ininiatatsie 'atahaika ranking, memutiyuane 'iiki rankings internacionales Quacquarelli Symonds (QS) World University Rankings (WUR);

Quacquarelli Symonds (QS) World University Rankings (WUR) Latin America & The Caribbean; miiki ri Times Higher Education (THE) Impact Rankings memítetewa, Wararakaara Hauri Weekamepa pikawe tihiki 'aixi mi'ane Tsauri Weekápa nacional hipame wahixie mekaniwaxatani tsi IES públicas estatales participantes.



Ke miranuyene yuyetuayati

Tiheekíakameki mitiyukuxatatsie miiki ri tumiini ke mitiyukumaiwa, Wararakaara Hauriweekapa timaatiari metá miiki xeikía tihiki 'iitsikámepa tiyu'ikitiwaame Karitsiku mirawiya, Asociación Latinoamericana de Archivos (ALA) miwani'í, tsiere ta tihiki miembro en la categoría "C".

2023 wiitaariyarisie, xapáte memiwatiweewiwatsie ke pauka Hauri Weekamepa pemirakahianítsie mieme yuri mepitehayeitia kwitiwa maatsi pemiwayehurieni miyiweniki, heiwamie xeikía pemitu'atuani metá teewa pai ti (línea) piyiwékai, 213 mayiyari 6.7 metseeri meteheuyeteteereti, 34 mayiyari taamá-mata tukaari meteheuyeteteereti.

5.4 Waiká miraheeká mirayuye'atía yeiyari mayukumaikátsie timieme

- Wa'ukiyari 'iiki ki memitewayu'íkitiatsie, Dr. Ricardo Villanueva Lomelí kaniu'axé tsi primer lugar nacional ya mitikamietsie mieme nau-riekatsie medición del *ranking* de rectores de universidades públicas de la revista *C&E campaigns & elections* Mekiku mayutiweewixime.
- Wararakaara Hauri Weekamepa timaatiari metá miiki xeikía tihiki 'i-itsikamepa tiyu'íkitiwaame Karitsiku mirawiya, Asociación Latinoamericana de Archivos (ALA) mirawiya tihiki tsiere ta miembro en la categoría "C".
- Revista *Pollstar* mutaine, Operadora Auditorio Metropolitano (TEL-MEX) pu'axixi reconocimiento internacional tsi kanikákeni hairiekat-sie recintos con mayor venta de boletos.
- Wararakaara Hauri Weekamepa 'aixi pitiuyuri tsi 'ataxewime pi-ti'ixixi, maatsi waiká 2022 mayutinetiatsie *Ranking* Mejores Universidades 2023 del periódico *El Universal*, kanikákenitsi 'atahuutárika 'aixi mi'ane Tsauri Weekápa tei yuurienakapa maana mitiuyuta'íkitiiani Tsauri Weekápa.
 - 3 *rankings* internacionales mutaine, Wararakaara Hauri Weekamepa pikáwe 'aixi mi'ane Tsauri Weekápa nacional hipame wahixie mekanixatani tsi IES públicas estatales participantes: *QS WUR*, *QS WUR Latin America & The Caribbean* y *THE Impact Rankings*.
- 'Aixi maatsi pu'itiarie xapáte memiwatiweewiwatsie ke pauka Hauri Weekamepa pemirakahianitsie mieme kwiti pemíwayehurieniki, 213 mayiyari 6.7 metseeri mecateheuyeteteereti, 34 mayiyari taamámata tukaari metehueyeteereti.
- Pitiupareewi yaaki memiteheiyehiakaki tiiturute nawíki miweewiya (huella de carbono) Wararakaara Hauri Weekamepa mieme, nawítsie tiituru mayehu miweewiya mekanipatá tsi tiituru impresos papel de carbonato de calcio miweewiyaki.
- 'Aixi puti'itiarie kimaana mayítarika te'uximayátaamete Wararakaara Hauri Weekamepa memitawiya tumiini meminiitarielikaki, kimaana memiwa'iwiyani metá 'aixi memiteheu'eriekaki 'iiki te'uximayá-taamete 'ukári metá 'ukítsi memitewati'uximayátatsie.
 - Mepitiarieti 'auxiwime tukaari tsiere ta mepitiarieti pemiti'uxi-mayáka hepai ke pauka tsi pemutaxitekieni kwiniyaki xeime 'a'iwá hurawa mieme ('apaapa, 'aniwéma ya tini 'akina).
 - Mepitiarieti ke pauka 'aniwé metinuíwa xeitewiyari tukaari peti-pitiarieti pemiti'uximayáka hepai, 'iiki tsi 'ukítsi te'uximayátaamete.
 - Tumiiniki mepareewiyati kimaana xapáte pemí'aitani 'íkitiarika manúteewatsie mieme.
- Maatiari putaweewiya tsiere rayutinetia escenario itinerante *RUGIDO UDG: Concurso de talento* mititewá 1,000 meyupaimeti mepayuka'utia 'iiki mirayutinetiatsie
- Ya mepite'utanaki'eri Política Institucional de Cultura de Paz Wararakaara Hauri Weekamepa miyuweewieka.
- 2023 Wiitaariyatsie MUSA piwarunakixi 1 millón teitéri.
- Honorable Consejo General Universitario yuri pirayeitia Plan de Desarrollo Institucional 2019-2025, Visión 2030, "Actualización a medio camino" mititewá. 'iitsikáte Hauri Weekamepa Kuraarutá miiki ri Tsis-tema memite'uximayá yaxeikía mepite'uyuri planes de Desarrollo de los Centros y Sistemaski, mekaníu'iarie tsi metá meteupareewi tsiere kumunirá Hauri Weekamepa kiekátaari metá waana memanuhane teitéri kiekátaari.
- Kímanaki maatsi memitirikaiyeni memiyiwaweniki 'uximayátsikat-sie teitéri Wararakaara Hauri Weekamepa memite'uximayá, mepiwarupareewi 'iyaaritárika ki 7,000 mayítarika te'uximayátaamete, Hauri Weekamepa Kuraarutá miiki ri tsisistema memitehawiyatika.

6. ?Imakiéri matíwameki

Matitia 2023 wiitaari 1,102 meyupaimeti teitéri Wararakaara Hauri Weekamepa metehawiyati mepanunakixi 416 ?imakiéri (premios), wairitárika (reconocimientos) ya heekiatsiya (distinciones). Pai ?i meteheyumuinati: 833 teyu?ikitiwaamete; 178 ?ikitiarika ?uuximayáamete; 87 yu?ikitiarika mehanayénixiaka waiká memaheekía; metá 4 mayítarika ?uuximayáamete. ?Apaítá, pu?iniatsie 12 wairitárika miyetuiriyarie Hauri Weekamepa. ?Imakiéri pa?iwaxi ?iikitsie ti?uuximayáti: 147 makina maiyákameki weewiyarikate; 72 ?ikitiarikapa; 61 yeyari metá witsi tiweewiyarikate; 45 teitéri wa?iyaari ke mitiyukihawe ?uuximayátsikayari; 45 waikarípa; 30 we?emetá yurienaka ?iwiyarika; metá 16 maitárikatsie.


Wairitárika manuyeteitsie mepaheekikía 508 meyupaimeti teyu?ikitiwaamete metá hipáti ri memanayenixia ke hate Premio CENEVAL al Desempeño de Excelencia EGEL mema?iwxia, ke mitiwayaki ?aixi memite?uki Examen General para el Egreso de Licenciatura hetsie. ?Iiki ?imakiéri pitiwairita ke hate teyu?ikitiwaamete memanayenixia wa?iyaari metá wanierika ke mitiyu?uunie hepai mireuneniere, tatsiari xika waikawa yu?uuximayátsikatsie meytirikariyani, yumaiyá menaimiriyani, meyuhiaweni kiekarípa ke miraku?anetsie, miki ?imakiéri piyétua Centro Nacional para la Evaluación de la Educación Superior.

Yaxeikía, panuyetei miyetuiya xapáte, maatiari título Doctor Honoris Causa por el Claustro Académico Fiat Lux tsiere CeCIE miyetuiriyarie Guillermo Barba Calvillo, timaikame CUCBA miti?uuximayá; tsiere xapa piyétua Organización Internacional para la Inclusión y Calidad Educativa (OIICE) Chile kwieyaritsie



mieme miiki timaikame Ulises Rodríguez Robles piyetuiri, CUCSUR kiekame. Ya paitá, yeiyari metá witsi tiweewiriyakate hetsie mitinake, maana Ki Nierika metá 'enierika mayexeiya CUAAD 'uweti miiki pitawairitariie Ariel de Oro hetsie, tatsiari miyétua Academia Mexicana de Artes y Ciencias Cinematográficas, waníu tsi Mekikutsie cine 'ayexeiya 26 wiitaari mireuteewiki; hepaina, Samuel Kishi, 'eena Hauri Weekamepa 'anutayerika, putawairitariie yunaime wara'iwakame 'ikiya mutaweewiki titewakame El año del radio, miiki 'imakiéri piyetuaya Academia. Maana tsiere, Adry del Rocío wairitariika panunakixi *Mayor's Urban Design Award* titewakame yu'ikiyatsie miemekí titewakame *Nuestra fuerza colectiva no tiene fronteras*, 'imakiéri piyétua 'iitsikame *Las Vegas mákawe*.

Xatsiekame, Maiyákameki, makina maiyá metá hekwatiarika, *Tequila Power* memeyexeiya meyuxeiriéti Julissa Guizar Gutiérrez, Steffany Trinidad Razo Díaz, Fernanda Trujillo Ruvalcaba metá María Fernanda Ubiarco Rodríguez, miiki maatiaritsie pikáke 'iwarikatsie *CME Group University Trading Challenge 2023*, hetsiena me'u'iareku 500 meyupaimeti equipos naitsarie kwieyaritsie kiekataari. Mi ri ta, Dulce Alitzel Pérez Ponce, CUCEI tiyu'ikitiwaame, maatiari pikáke 'uuximayátsikatsie *International Air and Space 2023* 'anuyaka NASA metinenetiwaatsie miwarutixexeiriwa Alabama, Estados Unidos; hepaina tsiere, tiyu'ikitiwaame Lady Karen Pesqueda Cendejas pira'i iwaxi maatiaritsie pikáke 'iwarika mayutinetiatsie *Three Minute Thesis (3MT®) 2023 Showcase and Round Table Discussion* del Council of Graduate Schools (CGS). Yuhepai, Emmanuel González Santos, yu'ikitiarika 'anunika ri, pukuukatiarie *Premio Estatal de la Juventud* Karitsiku 2023 hetsie, Karitsiku 'iitsikameyari miyétua, ya píranyetia yemekí naime kwie mikanieretsie Biólogo yaaki pai wiitaari mihiiki. tiyuekwariyáti tiyuekwariyáti



7. Hauri Weekamepa ʔIniatsikayari ke mitihukai 2023 wiitaari manúnitsie

#	Tiʔininiataame ke mititewá	2023 wiitaari mayexí ʔiniataame ke mitiheekiatákai
ʔikitiarika ʔikitiarika ya tiyuhekwariyáti		
ʔikitiarika ʔutiarikayari ya tiyuhekwariyáti		
1.1.1	ʔIniatsika naiti ke mipaime ʔikitiarika ke mitiyu'uximayáta ʔutiarikayari, maana ke paime ʔikitiarika ke mitiyukuwena ʔutiarikayari muyutihekwariyáxi	441 Programas Educativos (PE) miyuyexatakai UdeG 2023 wiitaari miyemiekaisie, piyutihekwariyáxi 57 PE:
1.1.2	ʔIniatsika ʔikitiarika ke mitiyukuwena ʔutiarikayari heheekwati mutiweewiya	2023 Wiitaari puyutiweewi 41 Programas Educativos (PE) heheekwati: <ul style="list-style-type: none"> • Haika ʔikitiarikatsie – 0 • Hauri Weekamepa – 14 • Tatari Weekamepa metá Tsauri Weekápa – 27
1.1.3	ʔIniatsika Hauri Weekamepa ʔikitiarika ke mitiyukuwena ʔutiarikayari heekiakameki mimatiwa ʔaixi miʔánenekí	205 Paimeti Hauri Weekamepa ʔikitiarika ke mitiyukuwena ʔutiarikayari (PE) muʔiniatsiewe, 189 paimeti heekiakameki pimatiwatika ʔaixi miʔánenekí, pai meputiyu kuruuxite meteʔininiataamete.

#	Tiʔininiataame ke mititewá	2023 wiitaari mayexí ʔiniataame ke mitiheekiatákai
1.1.4	ʔIniatsika naiti ke mipaime Tatari Weekamepa metá Tsauri Weekápa ʔikitiarika ke mitiyuwena ʔutiarikayari, miiki ke paimeti heekiakameki mimatiwa ʔaixi miʔánenekí	309 paimeti Tatari Weekamepa metá Tsauri Weekápa ʔikitiarika ke mitiyukuwena ʔutiarikayari (PE) miyexatsie, 208 paimeti heekiakameki pimatiwatika ʔaixi miʔánenekí, pai meputiyu kuruuxite meteʔininiataamete.
ʔikitiarika ya tiyuhekwariyáti		
1.2.1	ʔIniatsika naiti ʔikitiarika ke mitiyuwenatiyani weewiyari (syllabus), maana ke paimeti mirayexeiya ke pai meteyuniti teyuʔikitiwaamete yunaiti mepitehetimaní, yukimaana ya mepitekahuuni, ʔikitiarika ʔayehuutame mepayexeiyani.	29,060 paimeti meyuxeiya weewiyarikate ʔikitiarika ke mitiyu'uximayáta Wararakaara Hauri Weekamepa, miiki 4,424 paimeti pirakatetia teyuʔikitiwaamete yunaiti meyuniti memitetimamateneni, yukimaana ya memitekahuuni, ʔikitiarika ʔanuta-huutame memayexeiyani. <ul style="list-style-type: none"> • Haika ʔikitiarikatsie – 1,047 paimeti • Hauri Weekamepa – 1,408 paimeti • 17,959 mipaimetsie • Tatari Weekamepa metá Tsauri Weekápa – 1,969 paimeti 9,900 mipaimetsie
1.2.2	ʔIniatsika xeiwiitaari ke paimeti miyutiweewi ʔikitiarika witsimayeti ʔinternetsie mayutinenetiwa kimaana maiyá miwairitia	Mitiyane 2023, UdeG piyexá 864 paimeme ʔikitiarika ʔinternetsie kimaana teyuʔikitiwaamete yumaiyá memimiriyaniki. Naiti ʔikitiarika miyexatsie maiyá miyumiiriyani: 144 paimeti pimieme haika ʔikitiarikatsie, 427 Hauri Weekamepa metá 293 Tatari Weekamepa metá Tsauri Weekápa.
ʔikitiarika huyeéya		
1.3.1	ʔIniatsika yunaiti ke meyupaimeti teyuʔikitiwaamete yuhepaitsita memutanakiʔeriwáxi miiki ke meyupaimeti memanayenixia tuukari ke paimeme memitipiniarietsie	Xei ʔiniatsika, 100 teyuʔikitiwaamete memanutayaxike Wararakaara Hauri Weekamepa, 61 meyupaimeti yuʔikitiarika mepanunitsa ke pai tuukari mepitipiniariwatsie. ʔEena ʔi tekemeki ʔiniatsika miyutiyeikixi piyuheekiáta: <ul style="list-style-type: none"> • Haika ʔikitiarikatsie – 58.29% • Hauri Weekamepa – 23.86% • Tatari Weekamepa metá Tsauri Weekápa – 41.47%

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
1.3.2	ʔIniatsika yunaiti ke meyupaimeti teyuʔikitiwaamete yuhepaitsita memutanakiʔeriwáxi, xeiwitaari meutine ke meyupaimeti yuʔikitiarika memiyeweyiakai.	Memutanakiʔeriwáxi 100,933 meyupaimeti yuʔikitiarika memikatsuutianiki 2022 wiitaari, miiki 2023 wiyaritsie 88,520 meyupaimeti ʔakuxi mepayetekai. Tatsiari 87.70% metehuhanati. ʔEena ʔi tekemeki ʔiniatsika miyutiyeikixi piyuheekiáta: <ul style="list-style-type: none"> • Haikaʔikitiarikatsie – 92.57% • Hauri Weekamepa – 78.70% • Tatari Weekamepa metá Tsauri Weekápa – 85.57%
1.3.3	ʔIniatsika yunaiti ke meyupaimeti yuʔikitiarika memanayenitsa miiki ke meyupaimeti memiyutitulorowaxia	Xei ʔiniatsika, xika 100 meyupaimeti yuʔikitiarika meʔanunini ke pai tuukari memikwetatiarietsie, miiki 43 meyupaimeti yutiituru mepiwayehuruwa ke pai tuukari memipitiarietsie (huutawiitaari Hauri Weekamepa metá xeiwitaari Tatari Weekapa hepaina Tsauri Weekápa) ʔEena ʔi tekemeki ʔiniatsika miyutiyeikixi piyuheekiáta: <ul style="list-style-type: none"> • Haikaʔikitiarikatsie (bachillerato técnico y tecnólogo profesional) – 0.79% • Hauri Weekamepa – 42.13% • Tatari Weekamepa metá Tsauri Weekápa – 13.53%
ʔAyeʔakameki tiyuweeriýati		
1.4.1	ʔIniatsika ke meyupaimeti Hauri Weekamepa tiiriyámama memuʔarixi mirayutinetiáxia ʔayeʔakameki tiyuweeriýati	2023 wiitaari, 361,192 meyupaimeti Hauri Weekamepa metehawiýati mepuʔarixi mirayutinetiáxiatsie ya mitiutiýi kimaana ʔikitiarika yurienaka metá kiekari ʔiyaarimeki mayuxeyeyaniki
Yuʔikitiarika meʔanunitsati ʔuuximayátsika memikuwiwiya		
1.5.1	ʔIniatsika ke yupaimeti yuʔikitiarika meʔanayenitsati ʔuuximayátsika memikuwiwiya tiitatsie memiteʔuyutaʔikitia reutanakeme, ke pauka memanayenixia 18 metseeri reuteereku yuʔiniati.	Pikaxuáwe Ke tiita miranayeneika ʔiwáurika "Cuestionario para el seguimiento de egresados" hetsie 2023 wiyari, miya ʔiniarikayari pikaheekiáta.

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
ʔikitiarika ya tiyuyeweyiati		
1.6.1	ʔIniatsika ke meyupaimeti memayéʔu ʔikitiarika ya tiyuyeweyiyame hetsie.	Wiitaari mikuxaxatsiwatsie, mepuʔiniatsie 39,640 meyupaimeti teitéri miiremetsie memayéʔu ʔikitiarika ya tiyuyeweyiyametsie miyétua Wararakaara Hauri Weekamepa.
Yeikiya metá makina maiyáki waikawa tiyuweewieti		
Yeiyari yuwenati hetsiena miyunuwiitiaka heheekwati ʔuuximayátsika		
2.1.1	ʔIniatsika ki manuʔuutika muuwa miyutinuiwitiwa, miyutiweeriya metá miwatitirikariya heheekwati ʔuuximayátsika	Paimeiti 25 CEI peyuxeyiakai muuwa miyutinuiwitiwa, miyutiweeriya metá miwatitirikariya heheekwati ʔuuximayátsika.
2.1.2	ʔIniatsika ke paimeiti xapáte certificados manuyuhuri mayuxeyiyaki heheekwati ʔuuximayátsika metá ʔikitiarikayari.	Miyemieikai 2023, puyunakixi 250 certificados tiyutiʔikita heheekwati ʔuuximayátsika metá ʔikitiarikayari. Heekia: hipáti teitéri xexúime ya huhuutame certificado mepuyutaʔunixia.
ʔAyuxeyiyati metá yuyexatati maiyá yeikiya		
2.2.1	ʔIniatsika maiyá yeikiya ʔuuximayátsikayari tumiiniki pareewiyati	Wiyari miyukuxatatsie, 416 paimeiti maiyá yeikiya ʔuuximayátsikayari tumiiniki pupareewiyaxia. Miiki pitiyurienekai Wararakaara Hauri Weekamepa hipame kuruxite wahamatia yupareewiet.
2.2.2	ʔIniatsika Wararakaara Hauri Weekamepa tiiriyámama ke meyupaimeti memayéʔu Sistema Nacional de Investigadoras e Investigadores (SNI) hetsie.	2023 mutaparixitsie, 1,976 meyupaimeti ʔukári ʔukitsi maiyá yeikiya memiyeweyia mepakaʔukai Sistema Nacional de Investigadoras e Investigadores (SNI).
2.2.3	ʔIniatsika teyuʔikitiwaamete metá teʔikitaamete maiyá yeikiya yapauka memikuwiwiyaniki	Miyemieikai 2023, 913 meyupaimeti teimaikáte maiyá yeikeemete metá 1,165 teyuʔikitaamete mepuʔarixi maiyá yeikiya yapauka muyutiweewiwatsie
2.2.4	ʔIniatsika ke meyupaimeti maiyá yeikeemete memiteʔuuximayá meyuxeyietikaiti	Putiʔiniatsie naiti 608 paimeiti grupos maiyá yeikiya memayexeyiatika, miiki mepitaxeyiarie weerikayapa miemekii ʔuuximayátsika

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
Makina maiyá kimaana waiká mitiyuweewiekaki		
2.3.1	ʔIniatsika ʔuximayátsika ke mipaime makina maiyákameki waiká mitiyuweewie	2023 Wiitaari piyutiweewi 56 ʔutʔarika maiyákameki metá 6 makina maiyáki mitiyuweewie
2.3.2	ʔIniatsika ke paimeti ʔutʔarika metá xapa teriwáriwaame manayétua Wararakaara Hauri Weekamepa	Hauri Weekamepa putiweewi 2,773 ʔutʔarika hexeyatikai ISSN metá 526 xapáte teriwáriwaametsiere ISBN hexeyatikai.
Kiekarípa hetsie timieme ke mitiyiane		
Yurienaka ʔiwiyarika		
3.1.1	ʔIniatsika kixeéme tirikariyarika ke mitixitiarie	Xeiwiitaari, yuxexúiti teitéri Hauri Weekamepa memitehawiya kixeéme tirikariyarika meputixixitiwa reuhamane 145.22 Kilovatio hora (kWh)
3.1.2	ʔIniatsika xatsi ke pai kilogramos muyuweewie	Xeiwiitaari yuxexúiti teitéri Hauri Weekamepa memitehawiya xaátsi meputiniwiwita 461.213 kilogramos
3.1.3	ʔIniatsika ke paimeti ha muyukwewi	Hauri Weekamepa Witsariéya ki mikuʔuitiatikatsie ha kwewieti xeiwiitaari pixeiri 687,398.08 litros
Hauri Weekamepataari ʔuximayátsika hakeewa memeyunenetiwa		
3.2.1	ʔIniatsika ke meypaimeti kiekataari pareewiya memanunakixi miyétua Wararakaara Hauri Weekamepa	Teitéri 1,416,971 meypaimeti tixaititsie Wararakaara Hauri Weekamepa pareewiyaya mepiteʔunakixi
3.2.2	Tasa de variación de la cantidad de servicios universitarios que brinda la Wararakaara Hauri Weekamepa. ʔIniatsika ke paimeme pareewiya miyétua Wararakaara Hauri Weekamepa	La Wararakaara Hauri Weekamepa ofreció 201 servicios de extensión universitaria en las siguientes categorías: Warakara Hauri Weekamepa piyétua 201 ʔuximayátsika ʔiikitsie timieme: <ul style="list-style-type: none"> • ʔUayetiarika • ʔikitariika • Teitsiya • Nutuixipiya • Waikari ʔikitariika • ʔAixi tuukari weewiyarika • Xatsika miyutaniʔawa kiekarípa naanaimarika manukayuneki

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
ʔUximayátsika miyihii kuruuxite yuhikiáte teyumayíriwaamete metá kiekátaari tiwamayíya wahamatia		
3.3.1	ʔIniatsika Wararakaara Hauri Weekamepa kehate kuruxite wahamatia ʔuximayátsika mihii	Wararakaara Hauri Weekamepa piyinii 625 meypaimeme wahamatia kuruxite yuhikiáte teyumayíriwaamete metá kiekátaari tiwamayíya, yunaiti pareewiya memiyewenatikineki kiekarípa ʔuxi miranutineika ʔaixi meteʔakayuruwati
ʔikitariika meuyuxeyaniki		
3.4.1	ʔIniatsika ke meypaimeti memayukaʔutia Wararakaara Hauri Weekamepa	Wararakaara Hauri Weekamepa meypukaʔutia 335,538 teyuʔikitiwaamete, 56.53% mepiyupaime haikaʔikitariikapa memanutahaxia, 41.29% Hauri Weekamepa metá 2.18% Tatarí Weekamepa tsiere Tsauri Weekamepa.
3.4.2	ʔIniatsika ke meypaimeti heekiakameki ʔaixi ʔikitariika tsie memayetei Wararakaara Hauri Weekamepa	Yunaiti ke meypaimeti memiteyuʔikitia Wararakaara Hauri Weekamepa, maana 127,307 meʔiniariti mepayetei Hauri Weekamepa, Tatarí Weekamepa ya Tsauri Weekamepa ʔikitariika yari teke-meki ʔaixi mireyuweena hetsie. Xewiti kuruuxi teewa ʔuweéti pai niuki mitiuni kename yemeki ʔaixi ʔáne.
3.4.3	ʔIniatsika ke meypaimeti teyuʔikitiwaamete ʔaixi memikatekuweewere memayukaʔutia mi ri ta ke meypaimeti memutanakiʔeriwaxi	Tuukari manayetuiya ʔikitariika memiʔunie memayukaʔutiaxianiki UdeG 2023 wiyaritsie, ʔeena ʔi 2,050 meypaimeti mepayukaʔutia teitéri ʔaixi memikatehekuweewere, ya ri ta naime meteʔayeʔatiaka meputanakiʔeriwaxi 853.

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
3.4.4	ʔIniatsika ke meypaimeti teyuʔikitiwaamete weri ʔanekia memiyuxeiya memayukaʔutia mi ri ta ke meypaimeti memutanakiʔeri-waxi	<p>2023 wiitaari, mepayukaʔutia 29,418 meypaimeti ke hate haweri ʔanekia meyuxeyati ʔikitiarika memiʔunie, maana 11,692 meypaimetei naime meteʔayeʔatiaka meputanakiʔeriwaxi. Ke ʔakuʔaneti haweri ʔanekia piyuxeyani piranuyine:</p> <ul style="list-style-type: none"> • Tumiini yaki pai ʔiivati • ʔUkiraawetsiixi kwi ʔamemiyumate • Maatiari kiekáataari • Tekwikwikate • Teitéri tumiini ʔuuximayátsika memikaheuxeiya meriki ta yuʔiwaáma memiwakuyatsa • Meyuxexúiti yuniwéma memiwareuweeriya • Teitéri yuʔuuximayátsika meʔayexeyati memukwi waniwéma
Teitéri wanaanaimárika mikaxuaweniki, memipareewiyakaki, mixanetsiekaki metá muyukuxataniki.		
3.5.1	ʔIniatsika yunaiti ke memiyipaimeteitéri Hauri Weekamepataari mi ri ta ke meypaimeti memuyutixanetaxi menanaimarieti ke memitititamexiki	Wararakaara Hauwerikamepa piwawima 353,540 tiriyama, miiki ri teyuʔikitiwaamete, mayiitari ʔuuximayátaamete metá teʔikitaamete; maana, 2023 wiitaaritsie, 1,115 meypaimeti mepuyutaxanetaxi Unidad para la Igualdad hetsia, meminanaimarietaki ke memititamexiki (ʔukári, ʔukitsi ya ke tiita tsepá)
Mayukumaiká yeiyaritárika		
Hauri Weekamepa memihiki		
4.1.1	ʔIniatsika yunaiti ke memiyupaimeteitéri kumunira Hauri Weekamepa kiekáataari yamemutiyuane kename Wararakaara Hauri Weekamepa metawiya ʔiiki memiwarutiʔiwawiyaxitsie.	Mutaine Encuesta de Percepción Universitaria, xeiwaxayari kumunira Hauri Weekamepa memitawiya, memutaine haikatewiyaari heimana taamáata meputiyuane kename yemeki ʔaixi me-teuʔerie leones negros memikitini.

#	Tiʔiniataame ke mititewá	2023 wiitaari mayexí ʔiniataame ke mitiheekiatákai
Yeiyari meyuxeyaniki		
4.2.1	ʔIniatsika ke meypaimeti teitéri xeiwiitaari manuyeyeikatsie memutaʔaxe eventos artísticos miiki ri yeiyari yiiraritariakatsie timieme Hauwerikamepa Witsariéya metinenetiwatsie.	2023 wiitaariaritsie, 945,381 teitéri mepeukikinixia evento artístico ya tini yeiyari yiiraritariaka mirayutinetiatsie Wararakaara Hauri Weekamepa miweewitsie.
4.2.2	ʔIniatsika ke meypaimeti teitéri kumunira heuwerikamepa kiekáataari xeiwiitaari manuyeyeikatsie yamemiteheyexeyiya mayiitariaka artística metá yeiyari yiiraritariakatsie timieme Hauri Weekamepa Witsariaritsie mitiweewiwa.	112, 045 Kumunirá Hauri Weekamepa kiekáataari ya mepiteʔeyexiya metá ya meteiweiya yu-artista, yuniawari ya tini ya meteweewie evento artístico ya tini yeiyari yiiraritariaka Hauri Weekamepa Witsariaritsie memetinenetiwa.
ʔiitsikamepa ke mitiyuʔuuximayáta		
		Wararakaara Hauri Weekamepa ʔaixi putiyuri ʔaixiwime macroprocesos kimaana kanayetiiani procesos ʔaixi maatsi ʔaneneme metá estandarizados yunaime Hauri Weekamepa Witsariaritsie memitehawiya.
4.3.1	ʔIniatsika ke yupaimemeki ʔiitsikamepa ke mitikuʔuximayá ʔaixi mitikunanake naimetsie procesos ʔiitsikamepa mikumaiwatsie.	<ul style="list-style-type: none"> • Meʔutanakiʔeriwáxi memanutayaxé: yuxapáte intenert hetsie mepiteheniʔa • Credencial: yapauka puyutiweewiya QR heuyutiniitiat maana mitiuxeiya miyiwe naime tiyuʔikitiwaametsie timieme. • Yuʔikitiarika memanayenitsa: internet hetsie yuxapáte yapauka ʔaixi memetiururu yutiituru memiwayehuriexianiki. • Titulación: Interne hetsie sistema puyutaweewi maanaʔi título puyutaʔi-wawaniki metá manayeneikaniki • Credencial App Soy UdeG: Makina maiyá ta credencial peyuxeiya kimaana Hauri Weekamepa kuraarutana meutahakeni metá kimaana yaaki mitiwiarietaki hakeewa Hauri Weekamepa pai mireikunitsa hetsie.

Memaka'uxa kehate memi'iarixi

Dr. Ricardo Villanueva Lomelí

Rector General

Dr. Héctor Raúl Solís Gadea
Vicerrector Ejecutivo

Mtro. Guillermo Arturo Gómez Mata
Secretario General

Responsables de la Integración

**COORDINACIÓN GENERAL DE
PLANEACIÓN Y EVALUACIÓN**

Mtra. Paola Lyccette Corona Gutiérrez
Coordinadora General

Mtro. Rafael Serrano González
Secretario de la Coordinación General

Mtro. José Martínez Graciliano
Coordinador de Evaluación

Lic. Andrea Carolina González Mendoza
Jefa de la Unidad de Análisis Estratégico

Lic. Belen Elizabeth Flores Jacobo
Lic. Ana Victoria Morales Barajas
Lic. Eva Patricia Figueroa Arriero
María Fernanda Rico Romero
Unidad de Análisis Estratégico

Lic. Diana Esmeralda Ortega Ruelas
Jefa de la Unidad de Seguimiento y Monitoreo

Mtra. Cecilia González Díaz
Mtra. Viridiana Estefanía Gutiérrez
González

Dr. Aldo Francisco Ruezga Gómez
Unidad de Seguimiento y Monitoreo

Mtra. María Guadalupe Pichardo Goby
Jefa de la Unidad de Estadística Institucional

Lic. María de la Paz Flores Valdez
Lic. Athziri Lizeth García Vargas
Lic. Karla Lira Vidrio
Lic. Abdel Vidrio Reynoso
Lic. Juan Manuel Buenrostro Terán
Mtro. Saúl René Márquez Sosa
David Emmanuelle Salas Ramírez
Unidad de Estadística Institucional

Dr. Carlos Roberto Moya Jiménez
Jefe de la Unidad de Programación y Gestión para Resultados

Jorge Leonel Chacón Zacarías
Lic. Claudia Maribel Godínez Martínez
Unidad de Programación y Gestión para Resultados

Lic. Claudia Janette Urzúa Jáuregui
Jefa de la Unidad de Proyectos y Fondos Externos

Mtra. Cintia Elizabeth Castro Sánchez
Alejandra Flores López
Unidad de Proyectos y Fondos Externos

Mtra. María de los Ángeles Ancona Valdez
Coordinadora de Desarrollo Institucional

Lic. Martha Angélica Peña Hernández
Lic. Irene Ayón Suarez
Unidad de Estrategias Institucionales

Fuentes de información

**CENTROS UNIVERSITARIOS, SISTEMA DE
UNIVERSIDAD VIRTUAL Y SISTEMA DE
EDUCACIÓN MEDIA SUPERIOR**

**CENTRO UNIVERSITARIO DE ARTE
ARQUITECTURA Y DISEÑO**
Dr. Francisco Javier González Madariaga
Rector
Mtra. Brenda Díaz Mejía
Coordinadora de Planeación

**CENTRO UNIVERSITARIO DE CIENCIAS
BIOLÓGICAS Y AGROPECUARIAS**
Dra. Graciela Gudiño Cabrera
Rectora
Biol. Jesús Israel Hernández
Coordinador de Planeación

**CENTRO UNIVERSITARIO DE CIENCIAS
ECONÓMICO ADMINISTRATIVAS**
Mtro. Luis Gustavo Padilla Montes
Rector
Mtra. Sandra Mireya Huerta Rangel
Coordinadora de Planeación

**CENTRO UNIVERSITARIO DE CIENCIAS
EXACTAS E INGENIERÍAS**
Dr. Marco Antonio Pérez Cisneros
Rector
Dra. Patricia Sánchez Rosario
Coordinadora de Planeación

**CENTRO UNIVERSITARIO DE CIENCIAS DE
LA SALUD**
Dr. José Francisco Muñoz Valle
Rector
Dr. David Elicerio Conchas
Coordinador de Planeación

**CENTRO UNIVERSITARIO DE CIENCIAS
SOCIALES Y HUMANIDADES**
Dr. Juan Manuel Durán Juárez
Rector
Dra. Cynthia Cortázar Rodríguez
Coordinadora de Planeación

CENTRO UNIVERSITARIO DE LOS ALTOS
Mtra. Karla Alejandrina Planter Pérez
Rectora
Lic. María Guadalupe Calvillo Solís
Coordinadora de Planeación

CENTRO UNIVERSITARIO DE LA CIÉNEGA
Mtro. Edgar Eloy Torres Orozco
Rector
Mtra. Claudia Ivette Lie Neri
Coordinadora de Planeación

CENTRO UNIVERSITARIO DE LA COSTA
Dr. Jorge Téllez López
Rector
Mtra. Karina Donlucas Magaña
Coordinadora de Planeación

CENTRO UNIVERSITARIO DE LA COSTA SUR
Mtra. Ana María de la O Castellanos Pinzón
Rectora
Mtro. Sergio Eduardo Castañeda Ortega
Coordinador de Planeación

CENTRO UNIVERSITARIO DE LOS LAGOS
Dra. Gloria Angélica Hernández Obledo
Rectora
Mtro. Manuel Alejandro Tejeda Martín
Coordinador de Planeación

CENTRO UNIVERSITARIO DEL NORTE
Mtro. Uriel Nuño Gutiérrez
Rector
Mtra. Daylin Ortega Carulo
Coordinadora de Planeación

CENTRO UNIVERSITARIO DEL SUR

Dr. José Guadalupe Salazar Estrada

Rector

Dra. Diana Rojo Morales

Coordinadora de Planeación

CENTRO UNIVERSITARIO DE TLAJOMULCO

Dra. Irma Leticia Leal Moya

Rectora

Mtra. Martha Cecilia Ledezma Ramírez

Coordinadora de Planeación

CENTRO UNIVERSITARIO DE TONALÁ

Mtro. José Alfredo Peña Ramos

Rector

Dra. Karla Alejandra Contreras Tinoco

Coordinadora de Planeación

CENTRO UNIVERSITARIO DE LOS VALLES

Dra. María Luisa García Batiz

Rectora

Dr. Marco Antonio Cortés Ochoa

Coordinador de Planeación

SISTEMA DE UNIVERSIDAD VIRTUAL

Dr. Carlos Iván Moreno Arellano

Rector interino

Dr. Pedro Octavio Arce Casas

Coordinador de Planeación

SISTEMA DE EDUCACIÓN MEDIA SUPERIOR

Mtro. César Antonio Barba Delgado

Director General

Mtra. Io Abigail Osorno Jiménez

Coordinadora de Planeación

Administración General

**HONORABLE CONSEJO GENERAL
UNIVERSITARIO**

CONTRALORÍA GENERAL

L.C.P. Alfredo Nájjar Fuentes

Rectoría General

**SECRETARÍA TÉCNICA DE RECTORÍA
GENERAL**

Mtra. Martha Alejandra Gutiérrez Gómez

Vicerrectoría Ejecutiva

**COORDINACIÓN GENERAL ACADÉMICA Y
DE INNOVACIÓN**

Dra. María Esther Avelar Álvarez

**COORDINACIÓN GENERAL DE
INVESTIGACIÓN, POSGRADO Y
VINCULACIÓN**

Dra. Ana Marcela Torres Hernández

**COORDINACIÓN GENERAL DE EXTENSIÓN
Y DIFUSIÓN CULTURAL**

Dra. Carmen Margarita Hernández Ortiz

**COORDINACIÓN GENERAL DE SERVICIOS
ADMINISTRATIVOS E INFRAESTRUCTURA
TECNOLÓGICA**

Mtra. María Guadalupe Cid Escobedo

DIRECCIÓN DE FINANZAS

Mtro. Gustavo A. Cárdenas Cutiño

UNIDAD PARA LA IGUALDAD

Dra. Erika Adriana Loyo Beristáin

Secretaría General

**COORDINACIÓN GENERAL DE
COMUNICACIÓN SOCIAL**

Lic. Laura Ruth Morales Estrada

**COORDINACIÓN GENERAL DE CONTROL
ESCOLAR**

Mtra. Laura Margarita Puebla Pérez

**COORDINACIÓN GENERAL DE
PATRIMONIO**

Arq. Héctor García Curiel

**COORDINACIÓN GENERAL DE RECURSOS
HUMANOS**

Mtra. Celina Díaz Michel

**COORDINACIÓN GENERAL DE SERVICIOS A
UNIVERSITARIOS**

Mtro. Juan Carlos Guerrero Fausto

**COORDINACIÓN DE TRANSPARENCIA Y
ARCHIVO GENERAL**

Mtra. Natalia Mendoza Servín

OFICINA DE LA ABOGACÍA GENERAL

Mtro. Carlos Oscar Trejo Herrera

**COORDINACIÓN DE ENTIDADES
PRODUCTIVAS PARA LA GENERACIÓN DE
RECURSOS COMPLEMENTARIOS**

Mtro. Missael Robles Robles

Museo de Ciencias Ambientales

Dr. Eduardo Santana Castellón

**Sistema Universitario de Radio, Televisión y
Cinematografía**

Dr. Gabriel Torres Espinoza

Secretaría de Educación Jalisco

Mtro. Juan Carlos Flores Miramontes

**Director de Estadística y Sistemas de
Información**

Mtro. Bernardo Álvarez Valdez



UNIVERSIDAD DE
GUADALAJARA

Red Universitaria e Institución Benemérita de Jalisco

INFORME



RICARDO VILLANUEVA

• RECTOR GENERAL •

2023

udg.mx